



文苑  
蒲菡  
十二

上  
標文

文苑蒲菡

~ 20  
2457  
12





2332  
20  
2457  
12



文苑黼黻卷之二十三目錄

上標文一

智陵丁字閣重建上標文

純陵丁字閣重建上標文

定陵和陵丁字閣重建上標文

齊陵丁字閣重建上標文

貞陵丁字閣重建上標文

厚陵丁字閣重建上標文

獻陵丁字閣重建上標文

英陵丁字閣重建上標文





顯陵丁字閣重建上樑文

莊陵丁字閣上樑文

思陵丁字閣上樑文

光陵丁字閣重建上樑文

敬陵丁字閣重建上樑文

昌陵丁字閣重建上樑文 二

宣陵丁字閣重建上樑文

順陵丁字閣重建上樑文

靖陵丁字閣重建上樑文

禧陵丁字閣重建上樑文


泰陵丁字閣重建上樑文

孝陵丁字閣重建上樑文

康陵丁字閣重建上樑文

寧陵丁字閣重建上樑文





文苑叢書卷之二十三

上樑文一

智陵丁字閣重建上樑文

伏以仙隧遠隔曠省掃於春秋靈閣重新庸煨飾於  
 棟宇既成不日庶慰在天恭惟翼祖康惠聖翼大王  
 肇起赤池夙彰玄德成都聖化大舜起諸馮之鄉剪  
 商神功古公啓姬周之業迨奎尺誕膺於寶命伊珠  
 丘移卜於勝區昭穆盛儀密邇四陵之象設豐沛佳  
 氣掩霽群岡之龍蟠霜露慕深奉香火而岡缺關嶺  
 路遠望松栢而興哀願緣年蒿之屢更而致殿屋之



將圮鬼物呵護固知園陵之有神棟楠撓傷可奈風  
雨之攸萃肆軫感於睿念迺申命而重修俾藩司而  
鳩工木石告備馳禮官而董事丹雘改觀蓋自萬曆  
以來于今三易不越六旬之限若有數存輪奐如初  
儼月遊之有所制度仍舊顧時詘之何嫌斯誠孝理  
之有光奚但報祀之無憾愉色若接於璿殿指點龍  
興之鄉良規悅聞於妹城參差翬飛之制恭伸善禱  
助舉脩櫟

兜郎偉拋櫟東鯨波浩浩吞遠空欲知景運垂無極  
省取扶桑曉日紅

兜郎偉拋櫟西一帶龍江望不迷源遠正者流混混  
至今仁澤酌黔黎

兜郎偉拋櫟南鐵嶺連天聳翠嵐殿外滄溟連漆沮  
岐缺遺化大東涵

兜郎偉拋櫟北群山拱揖如星極龍飛鳳舞效奇祥  
邦蘇可期綿萬億

兜郎偉拋櫟上星斗昭回天宇曠颯馭雲鄉縱莫拚  
明神髣髴猶來饗

兜郎偉拋櫟下清曉祠官祭掃灑籩豆靜嘉黍稷馨  
於昭降格申純嘏伏願上櫟之後金粟成堆玉芝產



柱簾近瑞旭頌盛德之日新門納重溟祝景福之川

至

弘文提學  
宋寅明製

純陵丁字閣重建上樑文

聖德盡追遠之孝業既成於構堂靈寢備崇奉之儀  
功再完於輪奐神遊如在祀事孔明恭惟聖后玉質  
溫貞蘭馥茂悅遵西泝而晉宇密運陰功配上聖而  
肇基光啓寶曆久矣毓慶之自遠終然報本之有隆  
顯冊尊名既躋清廟之位因山揭彌載闡丁閣之規  
月出衣冠悅瞻拜於容衛歲執籩豆虔薦將於苾芬  
第緣星霜之屢更重以風雨之攸萃聖神繩繼固灑

掃之罔愆梁楠傾摧寔變革之有數肆軫感於睿念  
迺申命而重修仍舊貫而經營基不煩於開拓率群  
工而趨勸制取適於儉奢象設再新義陵之松柏在  
望陟降孔邇沛邑之山河護靈爰贊杵呼敢頌梁舉  
兜郎偉拋樑東滄海浮空瑞日紅回首蓬瀛知近遠  
五雲佳氣接慈籠

兜郎偉拋樑西遺廟丹青望不迷四世明禋昭穆序  
碩牲香黍敬時躋

兜郎偉拋樑南崔嵬鐵嶺與天叅神孫享祀殫誠禮  
頻遣春官走驛驂



兜郎偉拋樑北龍翔鳳舞何奇特定和一脉而今尚  
仍作興王萬歲宅

兜郎偉拋樑上星斗森森天宇曠駸馭蒼茫杳難攀  
祇應保佑長無爽

兜郎偉拋樑下泠泠環珮香風惹簾帷靜謐篔簹清

惟此新宮宜永舍伏願上樑之後珠丘彌固璿籙愈

昌殿柱產芝徵異瑞之自至陵樹降露驗冥應之孔

昭益綿宗祚之洪休長與蓋壤而並壽

大提學升  
泰尚製

定陵和陵丁字閣重建上樑文

伏以啓熙運於無極德盛貽謀儼靈寢之重新禮隆

追遠功已訖於輪奐贊敢緩於揄揚恭惟我桓祖大

王深仁難名積慶垂裕譬若周古公亶父王臨攸基

篤生我聖子神孫大勳斯集亦粵思齊先后實惟追

配太姜在昔行營已循周紂之制逮至開創更備漢

廟之儀瞻衮冠之出遊陟降有所閱年代之攸邈享

報罔愆詎意回祿之釁攸以致禦撩之延及雖皇天

之默相撲滅是造而聖上之孝思怵惕靡懈爰馳禮

官而董事仍命藩司而鳩工軫睿念於奉先敢論時

詘遵舊模而迴役肆消辰良酌聖訓奢儉之中稽大

壯棟宇之義是斷是度既般輸之殫心孔碩孔安奄



斧斤之斲手咸觀松栢之有鳥便覺珠丘之增光神  
理罔恫式如在於躬響民心胥悅永無替於瞻依載  
舉脩樑恭申善頌

拋樑東二嶺環回勢最雄表裏岡巒如拱揖千秌佳  
氣繞玄宮

拋樑西一帶城川望不迷源遠正看流混混至今遺  
澤酌黔黎

拋樑南鯨波不動與天涵應知啓佑長無缺仁化滂  
洋海外覃

拋樑北峻增長白奠邦城南來山脉若龍翔扶我鞏

圖絲萬億

拋樑上鈎翼衆星光晃朗風馭雲車在帝傍俯臨下  
土垂靈貺

拋樑下清曉祠官粲掃灑蓮豆靜嘉黍稷馨於昭降  
格申純嘏伏願上樑之後靈益產於碧沚慶雲棲於  
朱甍締構不搖山河護持於永久青孽畢去鬼物呵  
禁其不祥宗社並日月而光輝景命俾本支而昌熾  
齊陵丁字閣重建上樑文

伏以非常之變或天數之使然既毀而成在人事而  
當畫肆蠲吉日式煨重營恭惟神懿王后韓氏草昧



當年窈窕賢匹仙期遠位徽美之稱追敷聖子篤生  
宏達之業克闡園陵縱隔於同兆殿閣即倣於成規  
執邊登劔灑掃之禮不缺設官置衛守備之警亦嚴  
不意越蠹之逞凶奄見周榭之延火明靈忽驚於暮  
夜亟陳俯安碩寢已虧於原丘詎緩修繕茲循輪奐  
之舊制聿施樸斲之神功禮官詞臣咸駿奔而載事  
山靈地媪若陰來而相助不棄其基堂構之孝無憾  
乃瞻斯宇香火之供有憑寔舉脩禱敢申善頌  
拋樑東滿山松檜繞窓攏王津水到臨津濶從古烟  
波一路通

拋樑西半天斜日映璇題幽明一理曾無間草樹元  
陵望不迷

拋樑南鏡涵秋水作澄潭風來邃殿傳清酌想像當  
時詠葛覃

拋樑北海山群巒浮黛色夜半天鷄空外聞恍如報  
曉君王側

拋樑上星斗森森玉宇敞陟降之間如有靈凌虛環  
珮泠泠響

拋樑下高飛燕雀爭來賀祥雲曉捲寢門開庭畔靈  
芝瑞露瀉伏願上樑之後珠丘永安金粟重輝棟楹



楠榭至百世而不撓蘋蘩黍稷備五祀而靡愆閔黜製官

大提

貞陵丁字閣重建上樑文

伏以揆以寅奉之道有廢墜必修論以象設之儀有欠缺必備在事理而固爾攷故實則亦然肆蠲吉辰重營寢閣恭惟神德王后康氏夙配聖祖陰贊神功受誥命於御邦之初相儀既正昭德休於正謚之際陵踊亦貞顧有闕事於斯今尚無殿閣者匪例雖年歲已久有此因循而事體未安恐為虧欠幸茲儒臣之獻議乃命有司而興工役無勞民成之不日有烏

其楠既盡樸斲之規惟履是塗克遵黜聖之制脩樑載舉善頌斯陳

拋樑東遠近諸陵在望中最是健元陵畔栢依依蒼翠滴簾櫳

拋樑西仁王山勢與天齊輕風夜夜傳清漏尚想當時報曉鷄

拋樑南山爭聳翠水成潭歲歲公桑抽絲葉宛然蘭館待新蠶

拋樑北道岳群峯森玉立山噓雲氣護彤簷地久天长垂浩劫



拋標上雲散風清玉宇曠觚稜上接紫微垣天極四星重著象

拋標下神鬼攝呵燕雀賀明庭肅穆泰階平於萬斯年錫純嘏伏願上標之後天神降祐地祇效靈澗芷溪毛肅陳潢汙之薦松楸版蕝競頌曼碩之休介景

福於無疆欽永世而勿替

藝文提學姜相年製

厚陵丁字閣重建上標文

伏以載寢于陵儀久歎於稍狹聿恢其制慶方闡於重修豈或靡違蓋亦有待洪惟我恭靖大王至性天賦洪量海涵德著欽明勉副群方之願望道尊謙挹

光啓百代之純禧河洲之詠歌三章喬山之劍鳥一壠奉明經於茅酒年既云多瞻虛殿於栢城人以為小雖當時簡儉之致抑有司勅施之乖逮我聖上不顯丕承善繼善述間齋官之報牒即令往觀從禮部之覆題旋命改作舉累朝當行之典倣諸陵已設之規繚以周垣拓舊址而愈宏營茲神室比前構而頗崇爰上脩標仍申善禱

兜郎偉拋標東聖母仙園入眼中已識依歸先志在兩園佳氣却連空

兜郎偉拋標西金粟崇岡路不迷莫說巖扃鳴好鳥



會者晴日暎璇題

兜郎偉拋樑南水抱山圍萬象含聖主孝思元不匱  
爭將美事播街談

兜郎偉拋樑北斗覺雲林皆動色不是從今創制新  
定遵舊式垂千億

兜郎偉拋樑上彩雲開處金天爽方着宗紀日光輝  
甘露添來吹返幌

兜郎偉拋樑下山前海水盃中瀉元來追遠是深誠  
弈世神休欣永藉伏願上樑之後珠丘彌固霞陞不  
移熊羆之守翠微贊駿業而莫替翬翼之拱紫極翊

鴻基而無窮

大提學蒸  
裕後製

獻陵丁字閣重建上樑文

伏以歲月久於脩樑方懼傾圮丹黝改於仙寢恭瞻  
靚嚴仍舊而新孔曼且頌洪惟我太宗大王治啓熙  
洽功兼勦垂聖武布昭既化家而為國基命永固誕  
裕後而光前猗聖妃實為亂臣而陰化默贊洪業皆  
用周禮左紺劍寫之藏雜採漢儀月有衣冠之出山  
川鬱鬱百靈護葬聖之原陟降洋洋萬年享精意之  
祀第惟樑有腐朽深恐久或震驚惟我聖上見於羹  
牆念茲堂構倅禮官而先審既消日辰命有司而始



工爰俾營度神明之室高深合規塗墜之功侈儉中  
制基則因故况崗巒之改觀役不煩民覺擔楹之如  
跂茲申頌禱庸替謠歌

拋樑東妙積山高日上紅回首神京知近遠五雲佳  
氣接蕊籠

拋樑西江漢滔滔水繞堤日夜恩波流不盡至今餘  
澤在烝黎

拋樑南垂衣遺化八方覃永思聖德惟恭已至治馨  
香可邁三

拋樑北列宙環如星拱極龍飛鳳舞漢陽來留與千

秋壯宗國

拋樑上天宇蒼然仰昭曠包我群生覆燾中巍乎蕩  
蕩難名狀

拋樑下早夜祠官勤掃灑雲氣時生松檜間化為甘

霖滿平野伏願上樑之後金粟彌固寶柱長完春秋

苾芬與鴻祚而俱遠日月高躡並崇岡而罔隳弘文提學

鄭羽良製

獻陵丁字閣重建上樑文

伏以奉靈寢於多年方懼頽圯之患瞻新構於不日  
載頌曼頌之休虎丘增光燕厦騰賀洪惟我太宗大



王神武不世曆數在躬集大勳於一戎化家為國啓  
鞏基於百代貽後光前猗歟聖妃之思齊展也亂臣  
之協贊喬山劔鳥式循周祔之儀玉殿衣冠爰備漢  
廟之制苔蘚幾積於霜露蘋蘩不愆於春秋顧緣歲  
月之寢遙未免棟棟之將壞惟我聖上志切堂構慕  
軫羹牆思先王之安靈寔為月出之所命有司而興  
役寧顧時詘之嫌經營一倣於前規基不加拓儉約  
聿遵乎舊訓戒存過奢纒斷遷之訖功已輪奐之改  
觀龍盤鳳翥便覺栢城之益高鳥革翬飛咸仰松栢  
之有烏恭申善禱助舉脩樑

拋樑東南漢群峯勢最雄表裏縈迴成輔佐萬年佳  
氣拱幽宮

拋樑西宣靖園陵望不迷聖祖神孫承繼地一般功  
德與天齊

拋樑南接天雲木勢相參明徑薦罷休徵應芝草新  
生瑞露甘

拋樑北滔滔江漢朝京國千秋德澤尚餘波沾與生  
民流不極

拋樑上仰視巍巍天宇曠尚想宸居北極尊衆星環  
拱爭相向



拋樑下肅肅明庭淨掃灑崇岡擁處百靈趨長有祥  
雲護石馬伏願上樑之後珠丘不崩金粟彌固陟降  
庭止享祀靡替於茲芬保佑命之壽考永錫於昌熾  
山河扶殿宇而悠久日月並宗祀而光輝

大提學金壽恒製

英陵丁字閣重建上樑文

伏以金粟崇岡擁百靈以毓祉玉殿寶座倣五廟而  
揭虔茲罹鬱攸敢緩堂構恭惟世宗莊憲大王月輪  
叶夢日角膺期道盡人倫偏荷中朝之眷民登壽域  
遂回上古之隆聰明睿智之有臨禮樂憲章之克備  
文王又得聖女夙播闡睢之詠歌先君殆見群臣更

移喬山之劍鳥天開勝境地壓上游峯環水回鬱鬱  
龍盤之勢霧列雲布莪莪象設之形有儼仙寢之儀  
永為神護之所山河扶於繡戶垂三百年霜露積於  
石門於千萬歲何意松楠之成燼遽同栢梁之告災  
豈但王心之不寧舉驚人火之孔恠惟我聖上續禹  
之緒恒敦致孝之誠見堯於羹蓋篤追遠之念以善  
繼善述之志採有樞有閑之規殊異玉清之重修爰  
絀丹楹之過侈林衡運木無煩八柱之輸梓匠掄材  
畧遵重檐之制風扃曉闢正趨日吉之時霞磴最披  
復見月出之道鸞停鳳翥宛嶧萃之益高鳥革翬飛



寔輪奐之增美惟焄蒿悽愴之素著即茲芬顧饗之  
是宜方屬丁字之成可闕申頌之奏

拋樑東亂峯蒼翠滿層空試看江漢朝宗去正與當  
年拱北同

拋樑西峯巒爭向眼前低聖德巍巍誰敢侮只應千  
古與天齊

拋樑南上有青山下碧潭薰風尚似彈琴日一陣時  
時掃夕嵐

拋樑北莫遣穰題掀斗極宮室卑時德益高至今聖  
澤流東國

拋樑上瑞霧慈龍氣逾旺祠官祭罷見星迴甘露霑  
林芝草長

拋樑下燕雀雙飛賀成廈如今只為薦蘋蘩當日何  
曾事臺榭伏願上樑之後休徵彤蜺景貺駢臻園陵  
有神灑掃之禮罔缺陟降厥士咫尺之顏不違國勢  
如磐泰之安殿宇同奧區之固無蓄無害默佑燕翼  
之謀不虧不崩永錫熾昌之福

顯陵丁字閣重建上樑文

伏以芴風上雨方憂靈寢之靡安改舊圖新聿觀明  
宮之再燬自天之祐不日而成恭惟文宗恭順欽明



仁肅光文聖孝大王挺仁聖資懋緝熙學承制定治  
成之後恪遵憲章推躬行心得之餘誕敷聲教惟其  
莅極三紀庶幾方軌大猷至德普戴於天真遊忽  
促於厭世走鬢白於窮谷遑遑八域之悲踰歲劍鳥  
於喬山鬱鬱千年之佳氣殿閣孔位任呵護於百靈  
床筵肆陳備禱將於四序第緣年歲之久遠未免穰  
穰之撓傷衣冠所遊寔為月出之地堂構將墜寧拘  
時詘之嫌爰稽彝例而重修蓋循禮官之回春酌古  
今制度之同異華倫叶中參前後體勢之便宜損益  
合矩已辦木石之交運匠手效能何煩馨鼓之弗勝

神功相役遽見暈飛之美制齊騰燕賀之歡聲炫丹  
雘之靚鮮人爭聳視肅菴楹之巍顯山若增高玉匣  
珠襦同岡之宅兆隣近秋祀冬嘗一體之香火惹蒿  
將舉脩櫟恭陳善頌

拋櫟東曉山新旭透簷攏玉灘一派通清漢長共仁  
聲流不窮

拋櫟西日遶京闕彩雲低神孫聖祖因依地松栢五  
陵蒼翠迷

拋櫟南有情橫髻巧如參晴粧雨抹尋常態拖帶祥  
烟釀晚嵐



拋樑北拱擁我嗟與水落歷劫境巖未了青雙鸞鷲翼中天色

拋樑上星斗垂鋪天宇曠疑是雲鄉路不遙颯輪彷彿猶來往

拋樑下歲歲良辰淨掃灑嘉貺潛周集眾祥露甘多

秀摠微嘏伏願上樑之後金粟彌固寶柱長完奉嶺

繫而薦誠洋洋如在軼岡陵而繇祚永永無疆

藝文提學

吳道一製

莊陵丁字閣上樑文

表揚潛光而王章聿備崇飭幽隧而陵閣載營邈矣

葵聖之舊原燬然安靈之新制粵我端廟之溫粹實  
續顯陵之休明賴懿親保佑之功基圖益鞏效隆古  
禪讓之美謙光式孚備享崇稱於上宮旋作遙狩於  
東郡仙馭眇邈月遊無覩於玉衣神道窅寥象設久  
缺於珠阜越山愁碧哀哀望帝之冤禽錦水咽流萋  
萋王孫之芳草屢經修墓而虔祀尚闕復踰而尊名  
懿德寢湮久矣神理之有鬱曠禮斯舉允也天道之  
必伸茲訖周廟之躋并亟修漢陵之崇奉拓壽原之  
朗壇兆域增恢建靈殿之煒煌薦陞有儼兆庶咸聳  
般倭趨功輪奐一新山川改色初同九疑之孤奠隔



神都而幽遐今見百靈之來朝望佳氣而瞻藹脩櫟  
載舉善頌祗陳

拋櫟東白雲渺渺近瀛蓬鼎湖弓劍雖綿邈拚慕遺  
民尚有恫

拋櫟西鳳城迢遞五雲低顯陵松栢千山隔髣髴神  
遊路不迷

拋櫟南太華山色與天參分支遠作逶迤勢鳳翥龍  
騰氣象含

拋櫟北雲霞映鬱護金粟神庭宛是面南尊環擁群  
山如拱極

拋櫟上陟降在天昭可仰盼饗猶徵二百年於戲聲  
澤不能忘

拋櫟下旁臨俎豆六臣者千秋際會既昭融英爽依  
侑陪翠駕伏願上櫟之後吉岡彌固仙寢永安春秋  
薦其苾芩是宜是饗日月扶於扁牖不崩不寤昭感  
應徹於幽墟冥祐益贊於邦社

大提學徐宗泰製

思陵丁字閣上櫟文

宗初舉并緝之儀位踰如舊園陵遵寢廟之制棟宇  
維新情文始宣觀聽俱聳恭惟定順王后宋氏篤生  
名闕休有聖姿當中壺之配尊丕贊神化及上王之



禪位共膺徽稱不幸變故之屢興以致崇奉之終替  
寃深泣竹痛山川之阻脩遊遠者花嘅年代之遷謝  
雖精禋之是歲粵自累朝尚緝儀之未陳以待今日  
茲舉曠古之典聿伸追遠之誠悉復王章禮並隆於  
坤極纔修廟享事宜亟於山陵既崇樹乎堂封乃經  
營於寢閣群情胥悅爭先子來之民大役易完已成  
丁字之制脩翬飛而鳥革薨楠交輝恍鳳翥而龍盤  
岡巒改色新加陵踰表前日遠望之思仍置私墳取  
中朝陪葬之意固知神理之無憾益見聖德之有光  
載舉脩禩恭陳善頌

拋樑東重疊青山入望中誰道越州千里遠日邊消  
息曉先紅

拋樑西參差松栢憂雲齋顯陵也識無多遠仙駕朝  
朝路不迷

拋樑南江流凝靜碧於藍遠憐錦嶂西來水纔到維  
揚便作潭

拋樑北山形控列護神國定知陰谷早生春喜氣于  
今彌八城

拋樑上氛散雲消宸宇晃翼翼觚稜承紫微四星天  
極重朗



拋樑下羽帳珠簾備掃灑肅肅高除護百靈倘疑陟  
降於焉舍伏願上樑之後天神降祐地祇效祥黜聖  
長新垂浩劫而不改遵豆載列錫純嘏於無疆俾重  
熙於大邦期勿替於永世

藝文提學  
崔奎瑞製

光陵丁字閣重建上樑文

山川信美儼靈寢之孔安風雨依除燬舊閣之斯改  
成於不日佑之自天恭惟世祖惠莊大王資挺英明  
業承熙洽一千年聖作正值周命之維新十四載君  
臨聿見舜功之咸戴真遊遽催於殿世至恫普深於  
如喪幸茲月出之遊衣托在日近之甸服開玄宅於

吉地既固且完接神脉於先陵不遠伊邇爰設寢園  
之制載謹香火之供棟宇巍巍來百靈之呵護堂筵  
肆肆備四時之禱將顧緣年籥之屢更而致殿屋之  
將圯任神貌之頽剝心不遑寧仍舊貫而經營事非  
得已約群工而董役不至民力之重煩命有司而輸  
材寧恤國儲之稍詘蓋聖念寔出於肯構想神理尤  
著於時歆山若增高復見輪奐之美祭必如在益殫  
芘芬之誠助舉脩樑恭陳善頌  
拋樑東扶桑瑞旭照窓紅岡巒體勢着朝對佳氣千  
年自鬱葱



拋標西神京咫尺彩雲低五陵松栢遙相映蒼翠亭  
亭一望迷

拋標南連空山色曉相參滔滔漢水流無極應共當  
年聖澤涵

拋標北象設崇岡如拱極回着禾稼滿原田萬實秋  
登連野色

拋標上星斗昭回天宇曠颿馭雲鄉縱莫拚明神髮  
鬢猶未饜

拋標下黼帳珠帷勤掃灑神路逶迤下室皇靈颿一  
陳吹麟馬伏願上標之後玉芝產柱金粟成堆黍稷

惟馨修五禮而祇事基圖益鞏歷萬世而綿瓜大提學崔

錫鼎製

敬陵丁字閣重建上標文

伏以德既盛於裕後永啓洪圖禮莫重於奉先聿新  
秘殿珠丘動彩璿籙增休恭惟我德宗大王正位宗  
儲毓祉聖子銅樓沉少陽之景理難徵於夢齡寶冊  
躋太室之尊慶終衍於卜世洛濱之皓鶴一去漢原  
之朱櫻幾新始營幽榭式用甲觀之制加隆仙寢載  
闡丁閣之規象設崇嚴金粟控龍蟠之勢鞏飛輪與  
玉衣循月遊之儀粵惟媯幄之芳徽實從姬典之追



紉雖蒼梧歲月已遠聖德彌彰而黜楹風雨攸漂壞  
道是懼惟我聖上業承丕構志在肯堂霜露愴懷惟  
孝思而無極蘋蘩虔薦備紀事而罔隳肆軫念於重  
修迺申命而經始戒奢昭儉基不煩於拓開因麗貴  
文義惟取於礪斲群工競勸百靈並趨覺鳳連雲護  
石馬而垂影簷烏納旭隨賀燕而騰光瞻彩欄而峇  
嶢恍疑牧丹之臨賞望昌陵而密邇猶想棟蓐之交  
芬爰贊成功恭陳善頌

拋樑東毋岳蒼蒼曉日紅回首京都知近遠五雲佳  
氣接蕊籠

拋樑西肅肅階庭皓月低養德當年流慶遠崇岡萬  
古與天齊

拋樑南一面澄江晚色涵漳水舊遊如可見前山松  
栢望中參

拋樑北睿廟因山瞻在即問對惟應永有辭由來至  
德垂千億

拋樑上北極星高天宇曠陟降明靈在帝傍神功啓  
佑長無爽

拋樑下簾垂虛殿祥烟惹祇今黎庶誦仁聲早夜祠  
官供掃灑伏願上樑之後庭濡瑞露柱產靈芝神祇



共扶殿宇與山河齊久  
茲芬靡替宗祀並日月俱輝

鳳曆愈昌虎阜長固

大提學趙復陽製

昌陵丁字閣重建上樑文

喬山之松栢已老永切追遠之懷原廟之丹青聿新  
蓋恢圖舊之制神遊既真孝理有光恭惟睿宗襄悼  
欽文聖武懿仁昭孝大王毓德龍潛承謨燕翼運方  
撫於累洽睿化初成天胡斬於少延寶筮遽促一年  
遺澤幾纏率土之思萬世崇岡長瞻虛殿之設仍隆  
媯幄之追緝勿替殷祀之虔將寒食開門戀慕之誠  
靡懈玉衣藏寢陟降之靈如臨雖神聖相承園陵不

缺於掃灑而風雨攸萃薨楠自底於地頽在邦典崇  
奉之有歎故聖哀繕修之用急坡陀仍舊無煩開拓  
之勞輪奐如初自適奢儉之節庭戶控龍蟠之勢佳  
氣常浮棟宇儼翬飛之形神功已就方殫肯搆之孝  
更講欽奉之儀月出衣冠悅有憑於在上秋來霜露  
永無憾於奉先爰贊杵呼敢頌樑舉

拋樑東瑞色千秋接漢宮  
旭日初升金碧燠蒼蒼松栢五雲中

拋樑西孝陵山色眼中  
悽臣民共切烏跽慟前後重岡望不迷



拋標南秋水長天一色涵縹緲瓊檐占地勢遠岑無數露青嵐

拋標北金爵觚稜連斗極衆星如拱紫宸居者取前山相對挹

拋標上白雲迢迢舉頭望千秋仙馭杳難攀何處玉欄花共賞

拋標下床簾塵清儼玉座趨入拜庭禮無愆祠官歲歲供香火伏願上標之後靈丘永固神道常安呈藻繪於軒庭瑞芝產玉殿之柱挹蕊龍於簾陞祥雲護金粟之堆馨清之紀事孔明啓佑之陰功終賴山河

萬古長擁繡戶之扶宗社重輝益縣寶錄之祝大提學李敏叙

昌陵丁字閣重建上標文

伏以司燿告警俄驚秘殿之鬱攸將作鳩功旋覩新構之輪奐其成不日庶慰在天恭惟睿宗襄悼欽文聖武懿仁昭考大王至德難名大孝因性治績禹績慶邦命之維新疾崇膝廬悲帝齡之不與一年遺澤尚纏率土之思萬世崇岡長瞻虛殿之設仍隆媯幄之紉庸倣漢廟之規寒食開門苾苾之薦如在寶衣藏寢羹牆之慕斯憑高祀肅清式嚴早夜之警衛棟



宇曼碩寧虞風雨之撓傾不意畢方之告災奄見周  
廟之延燎雖皇穹嘿相烜焰罔通於封塋而回祿所  
經黔赭殆遍於輓礎惟我聖上載震載惕乃經乃營  
身不違於寧居聿避正殿念方切於改葺造卜吉辰  
誠深奉先奚恤國儲之稍詘貫惟仍舊不至民力之  
重煩子來之功甫完丁字之制已屹壽丘之龍虎彌  
壯蒐乎松栢之爭高敬寢之麟馬相望依然萼樓之  
聯武時薦籩俎不缺灑掃之儀月出衣冠永有瞻依  
之所恭陳善頌助舉脩禱

拋標東繡棟先迎朝旭紅日下常瞻雲五色漢宮佳

氣接慈龍

拋標西野色蒼茫望不迷向夜玲瓏生薄影簷櫳窈  
窕月初低

拋標南點點遙岑露翠嵐澄江一帶流無極應共當  
年睿澤涵

拋標北金爵觚稜連斗極衆星錯落繞宸居廟貌千  
秋瞻翼翼

拋標上玉欄花發駐仙仗汗漫真遊不可攀一誠對  
越神來饗

拋標下苑樹溥溥甘露瀉曾聞孝感致祥烏不忍林



間聽啞啞伏願上樑之後地靈陰扶天休滋至孝孫  
有慶介眉壽於萬年前王不忘緜血食於百世

南有容製

藝文提學

宣陵丁字閣重建上樑文

伏以崇岡有截幸仙寢之孔安舊閣重新欣寶座之  
采固禮則然矣時有待焉恭惟我成宗大王運撫盈  
成業承艱大專心典學教已闡於文明礪精圖治志  
靡懈於宵旰洋洋二紀之政化廩廩三代之規模瞻  
茲月出之遊衣托在漢南之近服龍蟠慈鬱拱蒼翠  
於先陵象設闕嚴煨丹青於神閣霜露起感瞻拜之

誠愈勤烝嘗以時灑掃之禮固缺第緣風雨之攸萃  
不免棟宇之將頽神道靡寧正急慰安之舉國儲雖  
詘詎緩修葺之方仍舊貫而經營基不加拓命有司  
而監董役無重煩豐約之節得中蓋體恭儉之德陟  
降之靈如在悅聞警嘍之音猗歟媿幄之並尊赫然  
明宮之改觀山川映發覺體勢之彌高薨楠翬飛儼  
氣像之增麗陳筵几之整密可備四時之禱將仰薦  
陛之崇深應煩百靈之呵護肆揚善頌贊舉脩樑  
拋樑東隱映簾攏瑞日紅地接獻陵先寢近望中佳  
氣鬱葱葱



拋樑西靈珠秀色與天齊  
回着順寢無多遠松栢蒼  
蒼路不迷

拋樑南向晚簷端滴翠嵐  
桑麻蔽野人安堵想像仁  
風遠通覃

拋樑北咫尺終南雲外碧  
千古尊名簡冊垂永隨江  
漢流無極

拋樑上星斗昭回天晃朗  
悵望真遊杳莫攀玉欄花  
發應同賞

拋樑下依倚仙馭臨神座  
恭惟聖孝永無違長遣祠  
官勤掃灑伏頭上樑之後  
奎粟成堆珠丘不侈基高

顧護屋宇與山岳長存曆  
祚綿延宗祀並日月齊文

崔錫恒製官  
弘文提學

順陵丁字閣重建上樑文

綸儀永闕備崇奉於壽原寢閣重新喜安寧於神座  
邈矣封樹之維久煥然棟宇之斯恢恭惟徽懿慎肅  
恭惠王后韓氏篤生華宗光膺德選孝敬受聖祖之  
深眷動遵禮規柔嘉佐成廟之初元寔彰坤化寶筮  
遽從於芳歲真遊遂遠於重霄吉岡龍蟠縱違周紂  
之制虛殿象設益隆漢陵之儀顧緣年載之寢遐以  
致薨楠之漸侈風雨斯萃或恐神理之靡安綸紀攸



陳豈以時詘而敢緩肆惕奉先之聖念遂命衰事於  
良辰結構之神功不淹陰靈相役輪奐之舊觀愈美  
般巧効能丹雘煒煌若增林巒之色簾祀邃穆有儼  
翬翟之尊贊舉脩櫟敢揚善頌

拋樑東神京華歲氣葱葱明靈顧佑增邦祉世室千  
秋饗闕宮

拋樑西大江環繞望中迷常瞻珠阜祥雲裏翠栢森  
森落照低

拋樑南漢濱山色遠浮嵐宣陵松栢神遊地悅觀當  
年頌葛覃

拋樑北拱擁群山紛簇簇湘浦不須恨未從萬年金  
粟安幽宅

拋樑上仰看紫極光照朗時時盼蠻見祠庭空裏如  
聞琮珮響

拋樑下寶奩塵掩幾春夏聖朝祇祀畫明誠廟柱瑞  
芝常降嘏伏願上樑之後靈陞彌固仙寢永安五祀  
虔於蘋蘩與鴻祚而俱遠百神護於扃牖並崇岡而

岡籙

藝文提學  
徐宗泰製

靖陵丁字閣重建上樑文

伏以禮隆追遠奉靈儀而岡愆功奏圖新瞻寢廟而



有儼珠丘動彩璿曆增休洪惟我中宗大王叶代橫  
庚齊虞恭已正龍德於初服庶回三代之治貽燕謨  
於後昆光啓萬世之業衣冠永闕於漢殿劍舄惟在  
於軒臺天上玉欄曷追牧丹之賞人間金盃尚纏松  
栢之哀顧丁閣丹青之明在辰年灰燼之後經營草  
創未盡矩度之宜歲月寢遙已懼頽圯之患惟我聖  
上志在堂構慕切羹牆思安陟降之靈詎論時詘亟  
舉輪奐之役爰揆辰良斤斲赴工官師祇事先王舊  
制寔遵節儉之素心聖人遺謨克明萃聚之玄理輦  
飛鳥羊彌崇月遊之儀鳳翥龍盤猶想星拱之象脩

標載舉善頌斯陳

拋標東洋洋漢水拱幽宮千秋至澤流無限薰髓長  
沾萬象同

拋標西表裏山河望不迷旺氣葱葱周旋壯崇岡萬  
古與天齊

拋標南成考園陵象設參一理幽明知不間寢門應  
續日朝三

拋標北一帶盈盈是京國尚憶當年享太平神功啓  
佑無終極

拋標上日月昭昭照重壤黎庶長瞻聖德藏山隅流



恨猶悽愴

拋標下明裡式薦申純嘏時着瑞露降靈芝長有祥  
雲繞碧瓦伏願上標之後掃灑常虔芬苾靡替諸祥  
畢至相宗祊而靈長百神並趨扶棟宇而悠久金粟

永固寶籙愈昌

大提學趙復陽製

禧陵丁字閣重建上標文

崇樹園塋祇恭明紀重新寢殿奠安聖靈式有準於  
當年底母替於永世恭惟章敬王后早摘芳訓夙著  
昌暉胤慶前徽德允協於內則配體上聖恩不濫於  
私門繞夢日於蘭宮奄收華於椒掖同壤河時劔舄

之藏俄移望子芷陽幽明之情曷極附饗清廟將百  
代而不遷揭號因山亘千秋而流祉肇茲丁閣虔奉  
壽原象遺儀於清都灑掃不缺淪組音於玉佩容物  
有憑星霜屢更丹青日以剝落風雨攸萃楹楠歲益  
傾摧冥理或失於靜寧睿情政切於感慕量工命日  
既消辰良畧基圖新未殊世遠棟宇神明之制煨焉  
改觀山川體勢之分霍然增色葛藟膠木至今洋溢  
於絃歌洞戶穹簷依舊映發於松檜芳猷久仰於基  
化庶民舉欣於趨功贊舉脩標輒成善頌  
拋標東殿角莪莪分日紅不是丘封迷世代試着陵



邑轉青葱

拋樑西古樹蒼蒼暮色淒  
叵耐斜陽聽謠詠為曾葱  
冒育烝黎

拋樑南倏忽朝霞與夕嵐  
林木扶踈猶氣色當時洽  
受惠風覃

拋樑北佳氣葱葱長翕  
龍山勢奔騰龍湊淵前開  
隧路擁重闕

拋樑上歷歷天文空  
悵望最是四星承  
紫微幾年登  
曜幾時亮

拋樑下姑水漣漣  
玉溜瀉壑冒祥烟  
蘭御風無綠蕙

路接雲駕伏願上樑之後  
顧享新閣夷體玄宮雲景

杳冥肅穆之儀備霜露  
悽愴哀敬之禮隆降新休於

大邦益孝熙於嘉薦

大提學  
權愈製

泰陵丁字閣重建上樑文

伏以漢設園寢寔重奉先之儀  
周命司空亟舉修廢

之典載燠宏搆無替肯堂  
恭惟文定王后尹氏月配

日明坤承乾健贊聖化於中  
廟徽音遠覃尊母儀於

兩朝孝養備至奄駟御之賓  
天緬珠襦之闕藏瞻彼

玄宮縱隔喬山之域歸然新  
室永薦茅酒之誠願緣

歲籥之多更而致殿宇之將  
圯樑楠既撓詎緩土木



之功風雨是憂宜勤香火之所茲循宗伯之覆奏爰  
倣舊制而重修公輸效能已盡輪奐之美陰靈相役  
不勞時月之淹曾百祀而無隳久矣神護及今日而  
改建如有數存肆舉脩櫟敢申善頌

拋櫟東扶桑瑞旭照窓攏靖陵松栢瞻非遠漢水王  
灘一路通

拋櫟西岡坂逶迤道不迷地遠事嚴人莫覩但看殘  
照映山谿

拋櫟南佳氣葱蘢萬象涵喬木森森敷綠影却思當  
日澤均覃

拋櫟北鳳翥群巒勢撲撲磅礴扶輿何壯哉儲精蓄  
祐應無極

拋櫟上長拱辰居列衆象悽愴薰蒿昭格地似聞環  
珮月中響

拋櫟下利用明經降大嘏甘露常聞效異徵從者茂  
慶在宗社伏願上櫟之後霞陞彌固金粟增輝黍稷  
馨香備五禮而靡或基圖綿遠歷萬世而永安

朴泰  
尚製

考陵丁字閣重建上櫟文

真遊已遠空留劍舄之藏仙寢重新載觀丹雘之燠



文苑叢書 卷二十三  
灑掃園缺祀事孔明恭惟仁宗大王聖齊勛華行高  
曾閔克岐克嶷德器已成於冲年如慕如疑哀毀有  
踰於禮制未滿一暮之臨御長遺八域之悲踊尊廟  
踊而致隆斯仁至矣揭陵名而述行孝何如乎賴有  
丁閣之奠輪無替寅奉之香火陟降之靈如在瞻拜  
有憑茲芬之薦以時禮儀不忒第緣風雨之攸萃重  
以星霜之屢更當治理日新之辰方見百為之修舉  
而衣冠月遊之所詎容一任其傾摧度宏規而經營  
不論時誣督良師而趨走仍值辰良鳳翥龍盤控岡  
巒之體勢翬飛鳥革鬱樑棟之參差孺慕庶寓於羹

牆聖德有光於堂構杜園之象設孔邇倘英靈之三  
朝媯幄之追緝如前認祭祀於一體敢頌樑舉以贊  
杵呼

拋樑東佳氣葱葱接漢宮想像玉衣晨自舉扶桑瑞  
日照先紅

拋樑西帝鄉迢迢杳仙期一年遺澤千秋淚八域蒼  
生口是碑

拋樑南咫尺先陵鎖翠嵐玉殿虛無松迳細分明仙  
駕日朝三

拋樑北華山三角挿天碧松檜蒼蒼一望迷雪霜不



改千年色

拋樑上宸極高居星斗朗天上玉欄花正開人寰無路回仙仗

拋樑下雲旗兩馬驂靈駕至今遺惠入人深長衛神孫流聖化伏願上樑之後寶曆愈昌珠丘增彩山隅流恨木已拱於金堆神物呈祥芝自生於玉柱益歆馨香之享永佑宗祚之休

大提學  
閔熙製

康陵丁字閣重建上樑文

靈儀孔肅載謹劒鳥之藏舊閣維新聿覩輪奐之美容物再煬神路重清恭惟明宗恭憲大王孝著冲年

道如升日挽雍熙之至治三五遺風撫祖宗之洪基二十餘載遠纏喬山之痛普深窮谷之悲闕宮駿奔奉蘋藻而罔缺崇岡象設列松栢而成行克虔香火之供式隆寢園之制高除肅肅悅容聲之有聞閭與沉沉想陟降之如在星霜屢易邠免棟宇之日頽風雨不遮有妨衣冠之月出肆聖上軫念於堂構命有司度工而經營仍舊址而重修巍如罩立瞻先陵而孔邇永有依歸歲時芬苾祠官展瞻拜之敬春秋霜露君子起悽愴之心羹牆之慕若初銅豆之薦增潔恭伸善頌贊舉脩樑



拋樑東回首扶桑瑞旭紅  
隱暎罨毳瞻寶座繞簷佳  
氣鬱葱葱

拋樑西瑤京咫尺五雲低  
泰陵松檜交蒼翠神駕三  
朝路不迷

拋樑南峩嵯山色碧天參  
薰風解愠當年澤留與蒼  
生遠近覃

拋樑北鳳翥龍盤控水落  
護得玄宮億萬年絲綿五  
祚垂無極

拋樑上景星垂彩觀天象  
帝鄉千歲白雲寒遙想崆  
峒駐仙仗

拋樑下羽帳珠簾備掃灑  
晝靜曠庭朝百靈至今彷彿  
留神化伏願上樑之後寶曆  
架昌靈丘永闕流光迭運木  
雖拱於金堆茂祉昭彰益自  
產於玉柱俾垂冥佑爰保洪  
休大提學升  
泰尚製寧陵丁字閣重建上樑文

仙寢永謐仰陟降之在天靈  
殿重新覩輪奐於不日倚我  
盛德之宅兆悅增神路之穆  
清恭惟孝宗宣文章武神聖  
顯仁大王行冠百王資高上  
聖規模宏大天覆而海涵政  
猷發揚風飛而雷厲十年在  
宥群哲旁招於山林百代有  
辭大義昭揭於日月方左海  
之



風動奄中道而天崩渦水移封符黃驢奠聖之識喬  
凌聯麓同金粟近先之規崇奉既隆於寢園悲慕尚  
纏於寰域神閣崇邃儼儼月出之儀黼帷靚深肅肅  
時薦之禮每勤時節之修葺結構雖完獨有樑楠之  
撓傷傾侈是慮肆揚奉先之睿念亟命敦事於吉辰  
有司程功悉因舊制匠氏殫技益恢美觀簾陞彌儼  
望真遊而如在丹雘重煇儼容衛而載新文如同几  
而並尊神孫履霜而增慕鬱葱之松柏增色佳氣祥  
雲拱挹之山川生輝騰龍翥鳳敢揚善頌贊舉脩樑  
拋樑東每覩暉暉瑞日紅追想大明光四表煌煌業

似到天中

拋樑西迢迢京闕五雲低坡山瞻藹先陵遠翠駕乘  
風路不迷

拋樑南閣外薰風麗景含解愠當時同舜殿至今仁  
澤大東涵

拋樑北大江如帶環京國政如聖主尊周心日夜朝  
宗度百曲

拋樑上雲鄉渺渺連天象龍湖邈矣已難攀仙馭空  
中但可仰

拋樑下玉珮仙官日掃灑來衛百靈朝曠庭瑞芝產



文苑叢書卷二十三  
柱徵純嘏伏願上標之後實御恒寧明宮長歸壽原  
同灞園之制並山岳而無騫尊名叶阜陵之稱享宗  
祀西園毀庶永垂於陰隲期益繇乎鴻基

文苑叢書卷之二十三

文苑叢書卷之二十四目錄

上標文二

肇慶廟上標文

宗廟增修上標文

社稷神室上標文

永寧殿增修上標文

永禧殿增修上標文

思政殿上標文

通明殿上標文

萬壽殿上標文

文苑叢書卷之二十四目錄



歡慶殿上樑文

集祥殿上樑文

大成殿上樑文

景慕宮上樑文

靈壽閣上樑文

奎章閣上樑文

東二樓上樑文

東宮資善堂上樑文

熙政堂上樑文

映花堂上樑文

慈慶堂上樑文

明倫堂上樑文

孝宗大王潛邸上樑文

弘文館新建上樑文

綾原大君新第上樑文

麟坪大君新第上樑文

澍安公主新第上樑文

青平公主新第上樑文

寅平尉新第上樑文

寅平公主新第上樑文



東平公主新第上標文

興平公主新第上標文

明安公主新第上標文

文苑補後卷之二十四

上標文二

肇慶廟上標文

伏以瓜瓞毓慶啓熙運於東方松栢安靈翔新廟於南土情因禮立地以德彰恭惟司空先公實我聖朝始祖類蒼姬之毓德得姓以來二千年符玄王之發祥傳緒至于億萬代石室書逸雖懿烈之無能名寶牒光垂仰積善之必有慶惟茲璿系本貫乃在完山故都天地儲精豐沛啓金尺之業山河鍾美隴西作仙李之鄉時有嘉耦之嬪京爰及皇祖而胥宇叶思



齊之令譽系出鷄林配生商之洪休慶流麟趾第我  
朝開剏之雖久而上祀儀文之未遑煌煌四百年非  
不頌郊禘之燕遠遠三十世嗟未薦漆沮之魚幸因  
璿裔之仰陳爰命綈儀之亟舉北闕設位春官考社  
稷之文南州相基太史協卜魏之兆宸誠藹苑陪漢  
津之龍舟佳氣葱籠睇湖京之仙寢遂作侑靈之所  
奉以肇慶之名髻白相功若新豐之父老鄉士載事  
宛原廟之衣冠鳳舞龍盤瑞氣萃臨安之城翬飛鳥  
羊宏構傲闕宮之規猗聖孝之彌光寔祖烈之始暢  
乾山對瀟灑神祇之憑依慶殿連薨悅陟降之左右

追遠報本允合百代之不祧弘流溯源奚啻七世之  
觀德敢頌標舉庸贊杵呼

兜郎偉拋標東扶桑瑞旭上天中漸着萬物敷春色

帝駕分明出震宮末句以御筆起自羅朝百世同改書下

兜郎偉拋標西帝省王亨是鵲溪千古江山靈氣聚

五雲天地巨端倪

兜郎偉拋標南彤簷日夕繞祥嵐乾山竦處千峯立

氣像巍巍德與參

兜郎偉拋標北望裏長安臨禁極會值一陽地底回

享儀穆穆升馨德



兜郎偉拋樑上天宇迢迢星日朗長與皇靈在帝傍  
俯臨下土垂嘉貺

兜郎偉拋樑下新置祠官供掃灑殷禮周儀俟至今  
千年錫以曾孫嘏伏願上樑之後寶柱長完丹彩彌  
固禮薦芬苾與日月而齊光運撫靈長軼岡陵而綿  
祚依監神孫之來孝以永宗國之滋休

藝文提學  
趙曠製

宗廟增修上樑文

伏以聖人制禮尤謹於奉先王者肇基必重乎建廟  
故路寢曷頌可見頌禱之辭而歲紀久長亦有變通  
之道茲當殿閣之修拓益驗神理之安寧粵昔文祖

開創之初首先太室興作之役重檐復屋徵戴記之  
遺規清廟闕宮倣周家之古制七世觀德儼昭穆之  
有倫四時薦禋備情文而罔缺所以取孔安之義亦  
庸盡如在之誠經變亂而重新陰隲靡或歷聖神之  
相繼寅奉彌勤何天意之莫謔遽仙馭之荐陟序合  
躋紉臨綈禮之將行地窳奉安恐神座之太偏蒙衣  
宗器陳設有妨下管并歌周旋無所肆用酌量乎事  
勢乃敢達觀而稟承惟我主上殿下慕切羹牆志在  
堂構踐位紹統每軫鞏基之方尊祖敬宗愈隆追遠  
之節爰命有司以經始俾趨大享而畢完思億年之



永圖畧存餘地限四架而添造不煩窮民指揮一出  
於睿裁克明萃聚之玄理制作無侈於舊實寔體節  
儉之素心纔斤斲之訖工奄輪奐之改觀蓋我朝歷  
祚之綿遠而今日廟宇之增恢最多功德之弗泯允  
為前古之罕覩檉掠雲翥符隆棟之吉占衣冠月遊  
况法駕之神衛恭申善頌助舉脩櫟

兜郎偉拋櫟東晴光初逐日生東駱山兩後烟嵐捲  
佳氣長着鎮大東

兜郎偉拋櫟西仰瞻廟廡列東西晚林春色籠涵苑  
簷影遙連禁掖西

兜郎偉拋櫟南極棟奇材至自南已見經營功且訖  
依然黼座正臨南

兜郎偉拋櫟北想像陳衣清渭北廟貌千秋長若新  
衆星環衛拱辰北

兜郎偉拋櫟上春雲變黶覆城上茂陵玉馬空中嘶  
髣髴英靈神路上

兜郎偉拋櫟下風車雲旆逶迤下龍馭已遠香難攀  
悽愴焄蒿筵几下伏願上櫟之後寶籙愈昌天休滋  
至孝孫有慶介眉壽於無疆前王不忘絲血食於永  
世山河扶戶躡而悠久日月並宗紀而光輝

大提學  
李宜顯



社稷神室上樑文

道得祀社稷歷代謹崇奉之儀足以安神靈不日觀  
輪奐之美禮則然矣時有待歟粵若方澤之啓封繼  
自重黎而創制陰陽以辨位置並七廟之尊土穀惟  
修功用同六府之利恭惟我朝聖祖建都邑而定鼎  
首築靈壇世宗述禮樂而興文成秩祀典右后土左  
后稷庸佐食而贊勳環四陲樹四門取順序而受氣  
既有憑依之神極爰設奉安之明宮匪麗匪宏務為  
永久之計是守是護俾無荒廢之憂非不時省而繕

治其奈歲久而侈落棟撓屋壞之是慮宜亟圖新苟  
風上雨之不遮豈容仍舊大懼弗獲於願享曷稱無  
愧於祝辭肆我聖上協神人而膺休瞻禴祀而起敬  
因大臣之陳劄斷自宸衷命有司而鳩功經始農隙  
令無煩於程督事已辦於咄嗟窈窕丹青如故冢土  
之貌穹崇楹桷聳喜都人之觀若室肯堂可見繼述  
之盛大事在祀罔有惰棄之愆吉辰斯消脩樑載舉  
敢效兜郎之頌用侑匠氏之勞  
拋樑東扶桑瑞色曜窓攏藹藹然萬物生生意要識陰  
靈厚載功



拋標西松林繞郭夕煙迷秋成郊野千廟歛報祀端

宜薦兩珪

拋標南離宮苑纒勢相參遲遲午日明崇墳佳氣蒸

龍麗景含

拋標北岳麓映蒼蒼翠色暫許玄冥行閑藏到時雷

出資陽德

拋標上日月高懸天宇曠配極知從剖判初茫茫元

會笙來長

拋標下香卓華筵靜且雅毋褻毋忘常致虔應者盼

響降純嘏伏願上標之後松栢不老庭戶長新既潔

既肥四時備祈報之禮乃安乃吉千秋保遠穆之居  
百祿優優扶國祚而綿曆五穀穰穰惠我民而厚生

大提學并  
泰尚製

永寧殿增修上標文

伏以禮稱遠廟祧遷之義可徵詩頌闕宮曼頌之功  
寔著誠以報本追遠聖人之所必欽修舊增新王政  
之所先務維今斯舉于古有光洪惟國家之邇隆肇  
建宗祏而致享粵自穆祖以下追王先公乃於太廟  
之西繼創別殿始遵宗廟之制列四親於同堂終倣  
周家之規藏群主於夾室情文無憾於大備名儀允



協於永寧聖繼神承上奉茲芬而勿替時移世變中  
經兵燹而復完第緣代序之迭遷未免神御之相偏  
裳衣宗器有妨陳設之儀下管升歌奈欠周旋之地  
雖時勢有未遑者固人心所共歎然惟我主上殿下  
慕切養墻業續堂構左昭右穆恒致如在之誠尊祖  
敬宗恐忝似續之責肆用不寧於啓處爰命有司而  
經營待吉年而興工可見叶卜募遊手而趨役寧患  
病民前後重修適當周甲之會方位克正載仍頁丑  
之基居然寢成孔安允矣棟隆之吉重檐復屋視舊  
制而稍恢樞栴旅楹體遺訓而無侈時薦籩豆庶慰

陟降之靈月出衣冠永有依歸之所敢效張老之善  
頌式贊奚斯之訖功

兜郎偉拋樑東駱岫春晴曉旭紅長有百靈扶繡戶  
萬年佳氣鎮葱葱

兜郎偉拋樑西禁林霜露夜淒淒祠官攝事趨唐甍  
鐘磬聲和佾舞齊

兜郎偉拋樑南殿角薰風萬樹含布得清陰分八域  
當年遺化至今覃

兜郎偉拋樑北衆星錯落環辰極依然南面黼宸尊  
廟貌千秋瞻翼翼



文苑叢書 卷二十一  
十  
兜郎偉拋標上祥雲縹緲迷仙仗真遊莫道帝鄉遙  
對越誠深神克享

兜郎偉拋標下九陌浮煙籠萬瓦物阜民安聖澤餘  
歡聲喜氣均朝野伏願上標之後邦運靈長天休滋  
至孝孫有慶介眉壽於萬年前王不忘繇血食於百

世大提學金  
壽恒製

永禧殿增修上標文

新幘改寫寓聖慕於羹牆舊殿增修董將事於木石  
儼然如見與焉而成洪惟我朝翔影殿之規寔為三  
聖安御真之所日角天表尚憶肇創之宏模龍姿鳳

章宛覲中興之懿範暨我元廟陞躋之舉亦出長陵  
追孝之誠穆若黼宸之天臨百代瞻仰依然衣冠之  
月出四時明禋猗寧考一幅上粹容想當日四紀間  
洪烈遺弓永闕愴警歎之莫承寶軸長傳悅聲光之  
如接沁宮蠲春秋之饗既篤孺慕之情璿殿展晨夕  
之儀益思崇報之道瞻南廟而講並享之制稟東朝  
而定移安之規盛烈此皇祖之隆巍乎功侔而德配  
威顏序聖考之次允矣情稱而禮宜顧殿宇稍窄於  
並安而楹楠固合於增葺辰日叶吉詢左右而僉諧  
般倭效功拓東西而改築邦禮復攷於乙卯倣光明



重摹之儀歲律適符於戊辰若慶基移奉之日媿漢  
廟之祫紀邁宋宗之孝嚴兩殿有朔供之捐實體若  
保如傷之盛志群工同父事之赴俱是於戲不忘之  
遺風二架新添不用復廟重欄之制四聖儼拱爭觀  
晝日摸天之休陟降洋洋想神理之允協簷棟翼翼  
仰孝思之無窮助舉脩樑恭伸善禱  
兜郎偉拋樑東紫閣晴峯聳碧空樂府相傳金尺咏  
鄰民爭頌萬年功  
兜郎偉拋樑西祥雲藹藹繞簷低松楸栢極深嚴地  
歲歲吾王肅秉珪

兜郎偉拋樑南拱挹群巒澍氣含為是神孫附列祖  
新添殿宇禮同參

兜郎偉拋樑北衆星環繞天中極最是庭畔香檀枝  
萬古青青不改色

兜郎偉拋樑上太虛寥廓三光朗爭看時節修精裡  
洞酌親將想右享

兜郎偉拋樑下殖殖其庭淨掃灑百堵皆興如子來  
吾民孰不誦遺化伏願上樑之後衆靈咸衛諸福畢  
臻芬芬罔愆萬世奉圭瓚之潔礎祀永植千年奠磐

石之安

弘文提學  
鄭羽良製

文苑補遺

卷二十一

上樑文

乙



文苑叢書 卷二十一  
思政殿上樑文

惟天大警動人主乃所以扶持而全安厥子肯構堂  
前基固在夫經營而締繕矧南面聽治之有所寧一  
日見災而無修寶殿修爾而告成興人咸胥而騰慶  
恭惟我聖朝周家源遠夏禹功勤聖子神孫承承而  
繼繼深仁厚澤皞皞而熙熙海波晏安於鎮臨鬼神  
居歆於饗祀顧先王之定鼎宅茲鄒而發祥乃涂乃  
城遵九軌百堵之制有宮有寢紘千門萬戶之奢大  
內之南正衙之北爰有一殿以便常朝接風日於蓬  
壺仙凡迥隔講道德於墳典魚水相歡斯後聖感寓

於藁牆寔凝命宥密於夙夜荷回祿之于正奄熾燼  
而無餘慨罔圖於徒薪痛已及於哭室仰當宁之哀  
隱俄庶民之子來范雍何諍於玉清閔損無譏於長  
府大木為宗細木為楠良工任衆材之宜矩之斯方  
規之斯圓巨室合古制之美既以苞而松茂又霞舉  
而虹垂抗崢嶸於斗魁納清泠之灑氣崇大壯之棟  
宇辨九級之堂簷爾乃幄座如天龍袞有翼儼紅雲  
之高捧環侍臣之登筵論道經邦勩伊傅周召之篤  
集拾遺補闕待黜向微贊之盡忠一日二日而萬機  
三講四講於六籍是謂端本清源之地必盡親賢訪



道之方德之隅喻室之隅峻整表衛武之德心之正  
亦門之正洞達見宋祖之心學罔覺於精一之傳政  
無為於時雍之化鳴鳳巢閣薰風阜財美哉與美哉  
輪晉室豈善於頌禱以次賀以次壽漢宮何取於糝  
糠敢因梁欂之升式陳兜郎之祝必停攻斷同此歡  
呼  
兜郎偉拋樑東皦日初昇陰翳空聖德光昭長並此  
千秋萬歲照箕封  
兜郎偉拋樑西西望中華蒸渤倪更願君王明道極  
八條遺教牖蒼黎

兜郎偉拋樑南兩施雲行化澤覃不但幅負濡萬族  
雕題長使奉琛函

兜郎偉拋樑北太陰凝閉天幽默融通玄造聖人功  
只在中心保陽德

兜郎偉拋樑上昊穹勢與觚稜當欽明光格亦何形  
日月光華萬民仰

兜郎偉拋樑下道在思誠非外假日講儒臣尚佇虛  
天章授筆詢陶冶伏願上樑之後諸福並臻百神擁  
衛殿基等岡陵之久國勢如磐石之安聖敬日躋新  
又新而不已德政風動懋哉懋而無荒薰為四境之



大和蕩除六沴之邪孽民淳俗厚歲稔時清觀天子  
之耿光益惇侯度祇上帝之眷命永貽孫謀

大提學  
李混製

通明殿上樑文

伏以王京左界類宮西區當烈祖之定都始陳圭臬  
逮神孫之考室遂隆堂基擁龍蟠虎踞之形展顰飛  
鳥革之制規天矩地受眷命於三靈發踰出治傳寶  
曆於萬世四方之所共仰百辟之所同朝賢聖相承  
既鞏且固否泰迭運或盛而衰屬茲創新實惟仍舊  
恭惟我主上殿下功成下武德洽右文茅茨土階體  
至仁於堯典惡衣菲食遵克儉於禹謨一念淵冰十

載宵旰頃因權移之遽未免過陋之譏忍耻包羞虞  
憂方軫於衛爰舉羸時屈極築奚暇於楚丘然而庶  
民子來望吾王之無疾經始勿亟欣法闕之有成侈  
麗不可以更臨瘡痍不可以重困木石瓦磚撤彼移  
此塗墍樸斲雇役就工遂用心上之經綸忽見眼前  
之突兀回廊復閣斯苟有而苟完左掖右垣寔肯堂  
而肯構上下同樂孰知興作之勤奢儉得宜之見規  
模之美茲歷吉日將舉脩梁恭叅鷓鷯之班敢申鷺  
雀之賀

兜郎偉拋樑東日出扶桑瑞旭紅眼着蓬萊無咫尺



五雲來繞大明宮

兜郎偉拋標西遠塞兵銷太白低手決銀河重洗甲  
封關不用一丸泥

兜郎偉拋標南滄溟波息聖恩覃大貝明珠爭執費  
崔嵬銅柱掃煙嵐

兜郎偉拋標北凶奴遠遁空沙漠関河萬里靜無塵  
更遣書生重勒石

兜郎偉拋標上玉盤高出仙人掌聖主中宵挹灑英  
天門夜闢黃金榜

兜郎偉拋標下萬靈擁佑扶宗社天垂嘉瑞已豐年

地產奇祥方極化伏願上標之後聖躬樂豫洪祚靈  
長本支致瓜瓞之綿邦家措磐石之固細糲廣厦頤  
神養性之便宿儒名師問道求治之盛薰琴解愠八  
路悉被於仁風衢尊錫恩萬姓咸圍於壽域知製教  
鄭百昌

萬壽殿上標文

養之至國以養方洽兩宮之怡愉尊之極居亦尊允  
宜正殿之營繕茲揭萬壽之美踰式著一人之深誠  
恭惟慈懿王大妃殿下德協誠莊行優靜澍懿範不  
違於坤則克嗣徽音嘉言自合於壺儀聿宣慈教敬



存執饜之夕樂在舍飴之時願國家未違乎他而寢  
室尚欠其制惟聖主崇奉之意準擬初修遵文母謙  
約之心未免間輟不容遂已姑俟農務之間董令易  
成要趁星候之吉分出諸司之羨兼撤舊宮之材測  
土陳圭爰開新址重簾大礎却占遺基懸棟及阿深  
戒宏麗之失聯垣就近實取溫清之便經始不煩乎  
周民完美可符於魯論回廊外繚載設遮障之形別  
構芴隆用備體憇之所仍思立名之義真叶祝聖之  
辭江漢三章咸願于上洪範五福獨居其先既體得  
一而寧定膺時萬之祉恭伸燕賀助舉脩標

兜郎偉拋標東日射璇題萬縷紅聖代即今敦孝理  
藹然和氣四方同

兜郎偉拋標西苑樹慈籠翠欲迷葦路東頭連大內  
鑾輿朝處五雲低

兜郎偉拋標南壽曜長懸瑞色叅為是蓬萊春不老  
蟠桃結子又經三

兜郎偉拋標北懽溢春臺均動植內裏雍容一事無  
翟禴來待承顏色

兜郎偉拋標上傅以前榮着轉啟長樂先模不乏陳  
母臨盛德人皆仰



兜郎偉拋標下俯瞰千家鱗萬瓦邊圍無虞穡事登  
肆遙稱壽崇瓊學伏願上標之後爰居爰處之安和  
如天如地之悠久仙芝吐葉薦金盤於御厨孝竹成  
陰擁彩織於禁籞福祥之徵駢集青社啓無疆之體  
靈長之祚益繇朱邱毓多男之慶誕受純祐永享太

平大提學蔡  
裕後製

### 歡慶殿上標文

伏以三垣七曜拱紫微前星當少陽之位上棟下宇  
取大壯東宮近至尊之居舊制重新嘉名再揭恭惟  
王世子邸下資全仁孝德叶元良博厚高明熟緝熙

於問學晨昏溫清盡恪恭於情文屬茲問寢之憂勤  
每念權移之湫隘臨御以儉堂陞不嚴雖茅茨土階  
在古聖而可法而樸斲塗墍亦前人之成規况斯舉  
之易為此創始而頌省撤彼移此不欲微賦而勞民  
蓋瓦級輒惟是募工而趨役俯雷置肆開貳極於英  
壻明禹建宮翊八柱於乾紀如有鬼物之來相不日  
而成遂致士庶之聳觀苟完而美左城右平之互設  
龍樓鶴禁之相連昵侍講筵承玉音之盈耳趨踰文  
石覺天香之襲衣咸謂居養之攸寧孰云侈靡之徒  
事詩書禮樂不廢秋冬保傅賓師常在左右華扁歡



慶想見至樂之融融燕寢清閒可占用功之慥慥軌  
效張老之善頌仍助郢匠之歡謠

拋標東曉色瞳矐瑞旭紅內豎出門傳吉語滿堂和  
氣扇春風

拋標西暮靄初籠禁樹低賴有金缸堪繼晷讀殘黃  
卷夜還携

拋標南向晚薰風捲翠嵐別殿窈窕清晝永玩心經  
訓好窮探

拋標北維斗昭明終不忒試將一理驗胸中俯仰乾  
坤資毓德

拋標上朝暮雲烟各殊狀待得天晴氣翳消仰着日  
月何清曠

拋標下喧靜街頭辨晨夜城郭連雲井落開生靈安  
堵霑王化伏願上標之後年豐人樂海晏河清當新  
構之告成四月維夏效華封之獻祝千歲為春重門  
洞開爭喜太平之有象法宮載儼佇着洪祚之無疆

大提學鄭  
弘溟製

集祥殿上標文

伏以德有光於翼子咸仰母儀之尊臨孝莫大於寧  
親率觀殿宇之改建嘉名再揭喜氣方騰恭惟王大



如殿下塞淵秉心端一成性風行南國夙嗣太妃之  
徽音位正東朝益著宣仁之盛烈六宮化服練之德  
十載享含飴之歡第緣災咎之非常以致寢御之靡  
定顧權移之日久詎稱崇奉之誠而凶歎之歲仍未  
違繕修之役在事體亦云太簡惟聖心曷嘗少安瞻  
茲舊址之重營出自睿謨之獨斷儉約克遵乎慈訓  
意在苟完經始無煩於庶民務祛浮費撤彼移此符  
集祥集禧之稱因故易新倣長信長樂之制役不傷  
財而靈功告訖堂以為殿而美踰如初星揆方中允  
叶時日之吉地連大內為取溫清之便始毀終成可

謂事半功倍暫勞永逸豈曰時詘舉羸矣但一人之  
解憂實關舉國之同慶恭陳善頌助舉脩櫟

兜郎偉拋櫟東春滿龍樓日上東共說慈恩覃八域  
女中堯舜復吾東

兜郎偉拋櫟西煙樹慈蘿禁苑西自是承歡無晝夜  
軒楹不隔殿東西

兜郎偉拋櫟南壽曜增明紫極南萬歲三呼齊獻祝  
即着嵩岳是終南

兜郎偉拋櫟北群山環擁層城北春暉永處樂融融  
着取靈萱長樹北



兜郎偉拋椽上五雲垂彩觚稜上麻姑金母送稱觴  
又報蟠桃開海上

兜郎偉拋椽下孝竹交陰瑤砌下至德居然化萬民  
從知草偃仁風下伏願上椽之後諸福畢臻百沴自  
辟奉晨昏於咫尺恒瞻不違之顏順陰陽而節宣永  
蠲无妄之疾爰居爰處備物之養彌隆止孝止慈錫  
類之仁不匱本支百世壽考萬年

大提學金  
壽恒製

大成殿上椽文

天未喪斯文蔚啓邦家之再造道不墜於地聿見聖  
廟之重新美哉宏規猗歟盛事恭惟我朝當聖朝定

鼎之日首建學宮及太宗纂祚之初增新廟宇坊名  
崇教里號興德占城東之別區右連華岳左拱駱山  
鐘漢陽之秀氣紀典大備於列聖祠制丕闡於累朝  
逮我聖上躬精一之傳任君師之責橫經問道屢降  
汾水之鑿釋菜臨雍頻屈峒山之駕春秋之享朔望  
之奠式禮罔愆俎豆之儀金石之音有秩斯格流誦  
聲於壁水煽文風於瓌林不幸邦運之迤邐遽見島  
夷之猖獗百年宗社之慘尚忍言哉三韓文物之休  
吁其盡矣嗟我聖廟之有佞亦被兵火之俱焚黉舍  
荒蕪野實茂草之城廟貌顛倒淒涼灰燼之墟行途



文苑補遺 卷二十四  
悲嗟士林沾灑道未嘗一日亡也豈容斬伐消鑠而使之無學所以三代共之宜其修舉振作之不可緩於是公私協力遠近齊聲或倒家財而效誠或捐官廩而補役爰仍舊而謀始乃鳩材而僱功新甫之栢徂徠之松若鬼輸而神運公輸之功魯般之藝咸督墨而揮斤粉袍青襟爭操版鋪黃童白叟競助呼耶探漢制於前基訪周規於舊典簷楹爰敬仰之彌高棟宇斯隆取諸大壯令不煩於程督功已辦於咄嗟惟其不華而不奢所以可長而可久三都俊士登門墻而彈冠八路遺黎瞻禴祀而揮涕茲消吉日將舉

脩樑因萬古之歡謳奏六方之嘉祝

拋樑東突兀長虹跨半空天為吾東調玉燭太平佳氣鬱葱葱

拋樑西數仞宮牆望轉迷夫子文章如可見碧梧應有鳳來棲

拋樑南虛庭松檜挹晴嵐琴壇萬古瞻如在群弟長環七十三

拋樑北千載斯文賴扶植從此泮林着聚奎英才藹藹生王國

拋樑上日月昭昭揭天壤俎豆如今道在斯斐然狂



簡差吾黨

拋標下迅掃荒屯開大雅否極還須見泰來道之將  
 行亦天也伏願上標之後文猷益燬景命維新秋禮  
 冬詩不墜庠序之教家絃戶誦一變鄒魯之風槐市  
 增輝杏壇生色山河醞釀育英才於清朝天地氤氳  
 降休祥於泰運采芹采藻非但造士於周雍獻猷獻  
 功將見騰頌於魯泮

大提學李廷龜製

景慕宮上標文

伏以千乘之養不洎宸慕方新五架之制增修廟址  
 仍舊神人胥悅情禮咸宜恭惟思悼莊獻世子邸下  
 德宇淵宏天姿凝重令聞日播早已為兆民係望沉  
 痼遽嬰其奈雖聖人不免嗟前星之奄晦而遺祠之  
 獨存十載星霜感先王慈覆之念一區檐楹愴貳尊  
 象設之儀逮我后光續丕基乃神宇首議重拓位置  
 稍狹嗟廟貌不之於周旋聖孝無窮况事而有異於  
 前後祭之以禮縱莫此繼體之尊得為有財詎暫緩  
 報本之道爰就舊址載營新工想神道之久安即地  
 云吉見匠徒之爭奮不日乃成樸斲既勤紛木石之  
 雲委規制丕變儼棟宇之翬飛肆三字肇上嘉名庶  
 百世咸識聖意取程子立殊稱之議進廟為宮寓大



文苑叢書 卷二十一  
舜慕終身之誠顧名思義蓋聖上見牆之孝銜恤終  
天故今日拓廟之功用情有地佳氣接昌慶北闕想  
慰洋洋之靈勝地稱洛陽東村佇基綿綿之蘇淮間  
架濶狹之際即斟酌情文之中體平日執謙之心匪  
求侈也報昊天罔極之德固自盡焉牲樂具陳儀文  
視太室稍殺齋務悉備體貌比舊廟逾嚴屬并脩櫟  
恭颺善頌

拋櫟東扶桑出日初紅須臾遍照方內燭破斯世昏  
蒙

拋櫟西雙闕上與雲齊日瞻門外松栢斫斫數枝便

低

拋櫟南平挹木覓晴嵐時清峯火無警霽雲長護神  
龕

拋櫟北慈鬱白山氣色屹然作鎮邦家明裡與之無  
極

拋櫟上泰階三光昭朗也知太平有基篤生神功咸  
仰

拋櫟下歲歲吾王奠學國家新置祠官階庭日勤掃  
灑伏願上櫟之後廟宇永鞏國運匹休盡禮致虔暨  
五廟而毋替發祥產祉垂萬代之維新神鬼迭效其



禁呵岡巒克壯夫拱衛

右承旨金鍾秀製

靈壽閣上樑文

九五福一壽祝壽筮於無疆三百年再行安寶牒之  
有所承天之慶不日而成惟聖祖撫運而御邦暨耆  
臣屈威而叅社卿班及稀年乃許蓋循前朝之舊章  
至尊以周甲與同俯就群下之美事真氣逼於戶牖  
祥連南極之輝寶墨映於門楣影動西樓之色綺歟  
曠典之邁古展也景貺之裕昆神孫丕承寶曆綿四  
紀之日月上天陰陽遐齡越六旬之春秋遵先王已  
行之規考其時則可矣稽宣祖未遂之教想前軌之

信然老臣之一二記言史失微野諸君之再三陳籲  
誠格回天命下而群情胥歡辰良而綉儀遙舉鸞翔  
鳳翥神毫潤少海之波瀾玳檢銀繩秘帖倣明堂之  
圖籙由至德克配前聖幸盛禮復觀今時燮乎文章  
所以至治之貴飾赫然耳目詎無新構之經營拓者  
所之舊基載畚載輦工倅之巧思有與有輪徵踰  
聯翮風雲通黼座之氣嘉稱標揭神靈護金躋之題  
祥光瑞色之鬱葱白叟黃童之鼓舞伊大德得壽得  
祿信斯理之孔昭茲我后肯搆肯堂致純嘏之彌熾  
恭伸善禱助舉脩樑



兜郎偉拋樑東璇璣先得瑞暎紅一般青帝生生意  
萬品熙熙壽域中

兜郎偉拋樑西華嶽奎精望不迷報道瑤池仙實熟  
侍臣拜賀壽天齊

兜郎偉拋樑南節彼高山翠藹含遲日薰風來殿角  
冲融惠化四方覃

兜郎偉拋樑北雲近蓬萊接五色會待周詩歌屢豐  
欣聽鐘鼓自宸極

兜郎偉拋樑上闔闔高開天宇曠對越宸心互感通  
洋洋百福潛來貺

兜郎偉拋樑下父老爭瞻齊祝嘏翠茵丹萸繞砌生  
祥風惠雨來飄灑伏願上樑之後地靈陰扶天休滋  
至香烟浮於繡栱陽谷之春融融澍氣傍於金莖清  
都之景肅肅吾王庶無疾奉萬歲祝聖之杯盛烈何

以加軼三代敬老之典

大提學李  
觀命製

奎章閣上樑文

伏以周玉几之導揚末命慕切見墻宋龍圖之別藏  
御書禮重尊閣虹梁載屹雲漢昭回恭惟大行大王  
治平逾五十年功化曠千百載得祿得名得壽皇天  
眷于有仁立德立功立言聖人久於其道猗歟日月



光華之德發為天地經緯之文布方冊而可法可師  
動合三謨二典奉咫尺而如綸如綍具著一札十行  
貫條理於中和金聲玉振總綱頌於巨細地負海涵  
虞殿賡歌明良喜起之會衛寢存警盤盂几杖之銘  
嗟乎沒世之思在茲貫道之器抽金積石室之秘搜  
可述焉邁赤刀和璧之珍足為範也粵我主上殿下  
一心紹述至誠贊揚其惟殷宗之不言邁追湯德允  
矣周武之達孝丕闡文謨寶墨煌煌命詞臣而讎校  
玉編秩秩建御閣而留藏翰木石而神鬼助工相基  
址而陰陽叶吉宸遊髣髴朱甍近暎花之堂地氣英

明翠華接採芹之泮泮月繕寫劄收珠玉咳唾之零  
不日經營上應奎壁圖書之府庶慰抱弓之慟矣但  
在可之尊會白虎而開石渠不過古經之潤色考追  
蠡而存昌歆曷若此書之流傳續鳳藻於新編心法  
承列聖之蹟寓燕謨於寶簡手澤在神孫之懷幽風  
無逸之列書何必遠求上世貞觀政要之拱讀莫若  
式遵先王茲消吉辰載舉隆棟敢綴兜郎之頌用侑  
匠氏之勞

拋探東朶恩朝旭瑞光籠康衢謠俗渾如昨文化洋  
洋八域中



拋樑西華岳金精望欲迷千古江山靈澍氣護來覺  
楠五雲齊

拋樑南觀稼亭高俯碧潭琴裏薰風猶殿角阜財餘  
澤萬民涵

拋樑北上林蒼翠望中色衆星錯落拱辰居夜夜虹  
光干斗極

拋樑上曉霽初收天宇朗陟降於昭在帝傍文明嘉  
瑞長來貺

拋樑下殖殖其庭淨掃灑藏府和闕典則同千年永  
錫文孫嘏火頤上樑之後蘇牒長完丹雘彌燬詳耳

目之所逮之微一王之規模願志事之善承永垂萬

世之文獻洪國榮製  
官左承旨

東二樓上樑文

結搆拱於宸極制恢木天地處深於掖垣光依奎宿  
不侈不儉勿亟勿徐顧茲摛文之勅開蓋為秘書之  
藏弄昭揭雲漢內而建閣如天章龍圖羅峙牙籤外  
則置院做石渠白虎膺九霄圖書之府居最深嚴設  
六負清華之御職重典守祗緣移設之屬耳未遑規  
模之秩然溢宇之典墳難容或貯露架清齋之起居  
無所寓宿外廊肆以右文之聖心特紆增建之新命



苟禁川而選勝長涵恩波俾地部而董工爰諏吉日  
般繩倭墨鳩木石而赴功烏革翬飛美輪奐之改觀  
松下之房櫳靜僻可容荀班之周旋水上之樓榭岩  
境政宜玉軸之舒卷之才術於稽古若為贊文明之  
治軫居處之攸寧徒愧荷覆燾之渥茲颺善頌助舉  
脩楹

兜郎偉拋樑東咫尺觚稜御氣通敢效華封頻祝聖  
重輪瑞日五雲中

兜郎偉拋樑西萬點炊烟望裏低總外梧桐高百尺  
朝陽佇見鳳凰樓

兜郎偉拋樑南遙見端門暎翠嵐簪佩蟬聯諸學士  
聲明思贊八方覃

兜郎偉拋樑北緇簾曉捲神嵩色邦家景祿占無疆  
佳氣慈籠環紫極

兜郎偉拋樑上清秋玉宇正昭曠祥雲瑞日萬斯年  
無象太平真有象

兜郎偉拋樑下御溝流水溶溶瀉虛明不受一塵侵  
長帶恩光漾彩瓦伏願上樑之後棟宇長新國家常  
泰左經右史悉裒五車之藏繼晷焚膏期贊三代之

化 奎章閣提學  
吳載純製



東宮資善堂上樑文

日之明日為可繼必須預養於東墜物之毀物亦以  
成寧緩復修其前蹟是上帝篤祐於邦祚若神靈陰  
相於人功恭惟我國家祖舜宗堯累仁積德周家之  
卜世甚遠又重以垂裕後昆商室之遇災何傷適所  
以增光前烈矧先王定鼎之初載獲茲地食洛之吉  
占位正於後寢前朝方辨於左祖右社乃度東掖乃  
作春宮斯國本之攸寧寔世德之永賴天之所助人  
之所助豈鬱攸之敢干昔焉是遭今焉是遭與青瑣  
而俱燼彼一時焦頭爛額尚如今側身瘝衷豈曰舉

羸而勞民要以肯構而裕昆祥風瑞雨蕩除舊孽桃  
荊不用巫祝休先高棟層楹歛起半空離婁督繩工  
垂削墨承鳳闕之華月接龍樓之紫煙爾其出乎震  
而効熊羆之祥在於蒙而挺岐嶷之質使前後左右  
所與居者皆廣受朋翰之徒明孝仁禮義以善導之  
畫禹湯文武之道朝日三而有問安視膳之職德師  
一而無通邪惑異之門周旋燕養之適宜接延講讀  
之有所知至意誠之學可以身修而家齊德成教尊  
之猷自當官正而國治然古來稟性之難恃自聖人  
好問而相資盍仍制於往規存深意於舊跡大哉居



齊王之子始而堪嘆氣體之移洞如開宋祖之心終  
焉併無邪曲之見敢效輿人之獻頌助舉匠氏之拋  
樑

兜郎偉拋樑東扶桑曉日隱瞳矐重明自作離明象  
少海元涵大海中

兜郎偉拋樑西紫殿青宮繞復低殿上瑞雲紅一朵  
餘光長與蔭宮題

兜郎偉拋樑南大覓當前翠染藍問寢朝朝回望處  
祝嵩心切幾呼三

兜郎偉拋樑北華岳嶙峋鎮化國夜半宮僚罷講回

仰瞻衆曜環宸極

兜郎偉拋樑上青蒼無物泥丸障服膺三畏日乾乾  
浩氣廓然神自旺

兜郎偉拋樑下夫噦高明新大厦王道端從屋漏求  
尊賢友德誠非倣伏願上樑之後百祿駢臻萬善畢  
集前星耀芒於鶴禁少陽安位於燕貽不待皇孫長  
於閭閻能知稼穡艱難吏治得失無令學士間以邪  
僻相與討論經籍圖像贊揚承祧允屬於元良主器  
固在於儲貳景命有僕鴻休無疆

大提學  
李滉製

熙政堂上樑文



伏以易著大壯棟宇之制可憑詩詠斯干莞簞之所  
宜置况復地連內寢非耽宴息之便堂接中宸本取  
延訪之近如存苟完之念焉有時屈之嫌恭惟主上  
殿下孝盡克家業恢肯構卑室昭儉既無愧於前模  
瓊宮務奢恒切戒於往轍不事臺池之樂永圖基兆  
之寧顧變亂古所未聞則經營今不獲已諸臣顛請  
顛為聖躬六月遲延實緣飢歲遵遺址而修掃撤舊  
材而造成規矩準繩平直方圓不可勝用構櫨侏儒  
椳闌扂楔各適其宜散積泉而償勞人亦無怨驅遊  
手而趨事農不失時莊誦堂名詳究字義朱熹之於

曾傳解之以明蔡沉之於虞書釋之曰廣修明其政  
以臨下下莫不盡其情推廣其政以濟人人莫不彼  
其澤茲申善頌助舉脩櫺

兜郎偉拋櫺東駱宙青林曉旭紅內裏黃門催奏事  
滿庭簪笏集群公

兜郎偉拋櫺西弼雲前面彩霞低日斜不輟賓筵講  
黼座香浮雉尾齊

兜郎偉拋櫺南木覓山光翠似藍已許祝融參造化  
上當咸五下登三

兜郎偉拋櫺北白嶽崔嵬開霽色默契天心在靜中



星辰錯落環宸極

兜郎偉拋樑上祥烟縹緲籠仙仗欲知聖主拜昌言  
着取封章綻帷帳

兜郎偉拋樑下翬飛不受纖塵浣定教灾害盡消除  
佇聽歡聲動朝野伏願上樑之後德隆土階瑞殿阿  
閣宸襟遠豁仰重門之洞開盛化遐宣分廣廈之洪  
蔭寶祚軼於蒼籙睿筮躋於黃軒百祿是道四方來

賀 大提學 蔡裕後製

映花堂上樑文

瞻列宿而叅象允協陰陽承舊制而拓基載新棟宇

匪崇世飾蓋迓天休恭惟主上殿下小心圖治至德  
凝命奉先王之宮室丕暢化原明大訓於詩書動得  
理所妖穢除而朝綱正協氣流而品物亨掩霽八區  
中都據神靈之位網羅群彥上苑開萃試之場不曾  
穿沼繚垣但備時制蓋將怡神澄慮以弘王猷顧仙  
臯之儲祥乃鳳蓋之攸軫百尋之觀祗有損於聖謨  
數筵之堂亦難容於侍御肆差時而練吉遂稽度而  
量功商豐約而准當年創經綸於寶思叅文質而摹  
大壯敷造化於神襟襲遺址於禁林成之不日授金  
模於梓匠制在斯干重寮則丹霞夾飛崇楹則翠靄



輝暎每於陽和之節佇瞻日表之臨曜華閣前行見  
龍虎之榜揭春塘臺上不煩帝幕之霄懸岸葉低欄  
共鸞旗而揚彩林花落砌綴龍宸而成紋草木敷榮  
生物之仁宜體風雲獻態交感之理之微睿情豈重  
物華群生可見春意煌煌扈扈玩至化於鶴几之邊  
藹藹融融撫元氣於虬床之下工垂訖而民悅堂既  
成而德享今古殊塗選德殿之末規矣數前後一揆  
環翠亭之偉範允符要相歡謠敢申善頌

兜郎偉拋樑東日月揚輝出海中池面澄光連璧水  
源流浩浩溯難窮

兜郎偉拋樑西若木枝高眼欲迷舊跡分明留四井  
當時盛烈盍思齊

兜郎偉拋樑南宮闕參差透翠嵐松桂叢林春雨歇  
百花含露暎幽潭

兜郎偉拋樑北華嶽巉巖聳秀色魚水堂中魚水歡  
明良際遇要同德

兜郎偉拋樑上昭昭天象政須亮瑞星垂耀化方隆  
矯首清霄遲景貺

兜郎偉拋樑下溝道分開碧溜瀉稼穡艱難須坐着  
憑他數畝可知野伏願上樑之後天祿甫始祥雲恒



浮得一以寧終清和於五帝體元則大聯顯懿於三  
王仙葩方開穆穆而臨矚文教勿達洋洋而頌聲末  
光餘炎永暉麗於星日瑤簷繡栊長暎發於山川臣  
民樂太平聖主壽萬歲

大提學  
權愈製

慈慶堂上樑文

伏以迺熙運於毓慶永鞏宗祚篤宸情於寧親聿新  
棟宇豈特下民之興孝從此上心之賴安恭惟惠慶  
宮邸下塞淵秉心端一成性書紳之內則罔缺孝已  
孚於先朝嗣徽之令聞夙彰位則配於貳極迨茲聖  
后光御之日益軫慈闈崇奉之方節文儀則之損益

隨宜寔謙德之仰體寢膳溫清之左右就養猗達孝  
之采章允係承歡而致隆罔不竭誠而盡敬第當昌  
慶之還御尚欠寢居之攸寧漢甘泉之幾年權移靡  
遑繕修之役宋聖瑞之卜日營建若為便養之圖肆  
土功默運於淵衷伊堂基別拓於大內相陰陽之宜  
而占地則吉經始獨斷於睿謨損木石之費而使民  
不勞儉約克遵乎慈訓通御氣於北極晨夕怡愉之  
顏接永巷於東朝密邇起居之節攻不日而靈功已  
訖相其室而美踰肇揚孝為百行之源乎仰顧名而  
思義養以一國之大莫云時屈而舉羸五月滕廬非



出築斯干之意萬歲同祝蓋做起長樂之規是所謂  
稱禮而稱情孰不曰可長而可久恭陳善頌助舉脩  
標

拋標東扶桑擁出日輪紅慈恩會與王恩遍噓送春  
風八域同

拋標西環翠蕊籠曉靄低瓊珮瑤瑤朝聖母宮娥勤  
報五更鷄

拋標南紫閣峯陰翠似藍佇見稀齡齊彼壽所庭不  
待獻嵩三

拋標北衆星錯落環宸極近聞新化劇清明樂且無

憂仁以得

拋標上華蕩幾架暈飛颺也知聖主服徽音不用軒  
楹宏且壯

拋標下孝竹亭亭堪翫把護得靈萱綠滿階祥暉永  
處無冬夏伏願上標之後神明幽贊福履來綏蠲死  
妄於節宣爰居爰處瞻不違於咫尺止孝止慈用中  
天休奚但祥日臻而灾日弭永錫爾類抑亦養愈隆  
而德愈光太平萬年本支百世

修撰李秉模製

明倫堂上標文

聖人百世師也既賀聖廟之一新學則三代共之載



文苑叢書卷二十四  
三十一  
見學舍之重煨於斯為盛于古有光瞻茲泮宮寔惟  
勝景三山鼎峙秀出文筆之峯二水環流自成泮壁  
之制杏壇幽敞相闕里之遺風槐市慈籠接上林之  
佳氣殆天作而地設應鬼護而神慳恭惟我朝奎閣  
文治日昌熙運謹庠序之教勞耒輔翼又從而振德  
之重賢士之闡直溫寬粟皆所以明倫也逮我聖上  
治本儒術學傳道宗作之君作之師是謂人倫之至  
教以詩教以禮式闡風化之源司成館祭酒堂絃誦  
之聲洋洋在耳胷子監上舍選俊髦之士藹藹登朝  
云何兵燹之慘經幸值文運之光復廟宇纔備咸喜

瞻依之有歸黌舍猶墟其奈講廟之無所衿袍尚依  
於墻壁函丈久設於蓬蒿必待百年而興正屬亨嘉  
之會不可一日無教寧緩修舉之方惟其人心所同  
然若有神物之相者苟有矣苟完矣意實在於無華  
美輪焉美奐焉功已成於不日從此大庇寒士不翅  
廣廈千萬間於焉樂育英才嗟哉吾黨二三子作新  
風采聳動觀瞻匠氏告成兜郎贊偉

拋樑東洙泗千秋宗派通道體流行元一氣洋洋壁  
水振文風

拋樑西斯文一柱與天齊高堅氣像重瞻仰直到真



源路不迷

拋標南明庭松檜儼相叅冠童暇日整春服風浴歸  
來見二三

拋標北巍然華扁可矜式歸而求則有餘師會見吾  
心一太極

拋標上奎壁光涵太平象玉燭吾東着泰來文猷繫  
然明天壤

拋標下惟忠惟孝大倫也明之惟在復其初着取虛  
靈不昧者伏願上標之後真儒輩出道學大明摳衣  
叩簞而升者盡是台輔之才執經倚席而講者皆負

山斗之望東序西膠夏絃秋誦明吾心固有之天學

顏志尹家程戶朱續斯文不傳之緒

大提學李廷龜製

孝宗大王潛邸上標文

小人皆有闔廬以為爰居爰處之所君子將營宮室  
必適不侈不陋之宜是以周詩所稱義存乎攸芋魯  
論有訓善歸於苟完鳳林大君玉泚流光金枝挺秀  
涵泳乎闕雝麟趾之化德義夙成周旋乎龍樓鶴禁  
之間恩顧靡替年將及於舞象禮已成於委禽欲稱  
尊貴之容可無甲乙之第矚茲爽塏允合經營琪樹  
名園早擅城東之勝繫銀牀賜并薦沾天上之恩波



爰命工師載勤樸斲上棟下宇取象之協于經冬溫  
夏涼隨時以節其氣有輪奐之美貴在宜人辟雕鏤  
之華務存省費鳥鼠攸去風雨何愁曆吉日兮良辰  
抗脩梁兮隆棟聊陳嘉頌用贊成功

兜郎偉拋樑東名園華構鬱穹崇休倩龍眠開畫障  
駱峯蒼翠滿房櫳

兜郎偉拋樑西屋後長林翠欲迷簾幕却嫌絲竹鬧  
獨憐幽鳥盡情啼

兜郎偉拋樑南南山當戶送晴嵐六月炎蒸侵不到  
銅瓶碧井露華涵

兜郎偉拋樑北金闕五雲瞻氣色唯向楓宸祝萬年  
本支家國長無極

兜郎偉拋樑上朝請餘閒便偃仰不用枕中鴻寶書  
河間禮樂供心賞

兜郎偉拋樑下突兀眼前成大廈善禱不煩張老詞  
斯千古夢符周雅伏願上樑之後鬼神守護福祿來  
臻萬事糾紛莫如為善最樂一心忠孝長期與國咸  
休鳳凰和鳴而室家雍睦熊羆叶夢而子孫衆多有  
吉無凶自今伊始

大提學  
張維製

弘文館新建上樑文



象著雷天君子取大壯之制光依日月儒臣處深嚴  
之司宜遵舊館之規用闡新宇之築願茲玉堂之設  
蓋自金馬以來在唐則人謂登瀛學士有十八之盛  
在宋則職重勸講近英須第一之流皇明增侍讀之  
員亦循故實本朝置集賢之殿後改今名猗歟祖宗  
右文之誠煇乎國家崇儒之典星臨華蓋掖垣當太  
微之墟雲近蓬萊御氣通夾城之路地分清切共稱  
天上之神仙曹局嚴凝迥隔人間之風月逮聖上之  
有作視前古而將多法筵常開講明帝王之心學賢  
路大闢招延山野之名儒博選文學之臣益重經術

之士曩緣東朝之移建乃有北扉之遷居暫借尚方  
許青綾之寓直申命將作議華省之重恢有司恤經  
費之需欲從省約當職陳時詘之義請待豐亨睿念  
彌深降絲綸而敦事工師能任鳩木石而赴功遂輟  
衛尉之故衙聿創弘文之新館高棟秩秩不日經營  
厦屋渠渠已見突兀廳分左右容長第之具僚廬敞  
東西有上下之溫室玄圃閬苑非無滿壁之圖玉軸  
牙籤自有藏書之閣瑯薨曲欄之繚繞文窓綺閣之  
玲瓏橫跨北溝最愛柳邊之小院正對南岳遠溯松  
下之長風皓鶴脩篁不煩董待詔之繪事名花異草



可見蘇侍講之記文恩波與鳳池俱深瑞景共花磚  
同轉雲烟飛動影入彤墀雨露低垂春濃紅藥幾時  
處地之非所不免卑陋之歎今日居宇之攸寧悉出  
覆燾之渥茲揚善頌助舉脩楹

兜郎偉拋樑東日出扶桑瑞色紅曉漏向殘趁玉陞  
天門金榜五雲中

兜郎偉拋樑西御溝楊柳暮烟低雲篇正好晴窓檢  
蠟燭還宜永夜携

兜郎偉拋樑南上苑薰風和翠嵐學士朝朝將進講  
法筵精義共研覃

兜郎偉拋樑北蕊蕊佳氣籠丹極陳前自有書千編  
補袞非無錦五色

兜郎偉拋樑上白玉樓高天宇朗文星彩入景星輝  
賡載虞庭知不讓

兜郎偉拋樑下誰把文章贊王化視草由来寵渥深  
宮壺春色浮金竿伏願上樑之後至道彌文真儒接  
武論思獻納恢往哲之遺風禮數榮華極斯文之盛  
事香烟滿袖細氈紆日三之登蓮燭分輝前席侈夜  
半之對去高門數十步長沐日邊之私得廣廈千萬  
間更庇天下之士致吾君於堯舜之上蜚英聲於禮



樂之中棟宇常新家國俱泰 大提學趙復陽製

綾原大君新第上樑文

蓋上棟下宇易著大壯之文鳥革翬飛詩播斯干之  
詠所以陳圭臬體乾坤之方圓鑿戶疏檀順溫涼  
以開闔茲吉人之爰處乃君子之攸寧恭惟大君閭  
下性稟寬和資挺岐嶷鴻明符采并白日於扶桑駿  
厲風猷注黃河於酸棗金枝毓秀玉穎增敷六禮之  
祥妙選名闕百堵卜吉旁搜勝區瞻茲駱洞新基寔  
惟鳳樓舊址山川清澍周流磅礴而扶輿里閭繁華  
雜沓縱橫而填溢懿德卓行掉楔交輝鼎食鐘鳴豪

傑間出相爾陰陽之正擇其形勢之尊定宿方中農  
時少隙於是罄般倭梓匠之技鳩榭栴松栢之材羸  
屈得宜雇役而出自內藏豐約合度省費而不煩外  
司遂創心上之經綸忽起眼前之突兀飛欄複閣接  
雲氣於蓬萊繡榻璇題拱星躔於閭闔楚元敬客非  
無置醴之筵沛獻好書即有講易之榻二山詞賦攀  
桂樹而蜚英五王樓臺聯棟萼而敦德傳之子傳之  
孫肯構肯堂歌於斯哭於斯苟完苟美經始勿亟馨  
鼓弗勝簡良辰而選徒抗脩梁而考室肆陳善頌庸  
相歡謠云云伏願上樑之後邦家樂康公族昌熾燕



雀騰賀巢帝幕而無虞熊羆效徵矣璋瓦而有慶盡  
東平之孝友崇北海之謙恭厚天高地繇實曆於億  
載細糞廣厦庇寒士於萬間

知製教鄭  
百昌製

麟坪大君新第上標文

周有文王之聖慶自流於本支衛稱子荆之賢善苟  
完於居室經傳所載古今同規麟坪大君質挺天人  
精舍金玉振振仁厚之性豈必一角為祥赫赫尊貴  
之姿自是多生種福方其在阿保之手固已足詩禮  
之間矧今朱邸之疏封那無華構之經始契茲龜兆  
食彼駱坡川兮泮流素稱洛陽東村之勝地近禁籞

長瞻天極北辰之尊斤斲纜施工徒競勸更聞魯衛  
之密邇益覺棠棣之交輝不必崇臺曲池極高高下  
下之觀唯應竹苞松茂絕風風雨雨之愁上簷下甍  
鐘鳴鼎食次公謹慎之戒寔存規箴張老輪奐之詞  
善薰禱頌竊慕古人之陳義聊贊兜郎之效功

兜郎偉拋標東馳駱峯陰入戶中從此名園還有主  
一區花竹更春風

兜郎偉拋標西華屋參差望裏齊知是弟兄聯棟宇  
棟花詩什為誰題

兜郎偉拋標南雨後終南色勝藍無限雲煙供眼底



不煩鞋襪強登探

兜郎偉拋樑北夜夜憑欄瞻紫極清都帝座迥難分  
唯見祥雲騰五色

兜郎偉拋樑上屋上青山如畫障軒窓不許下朱簾  
為愛晴嵐來獻狀

兜郎偉拋樑下燕雀紛紛喜大厦月榭風臺豈不佳  
薰爐一室偏蕭灑伏願上樑之後家國同歡身心俱  
泰東西門巷却笑天上之參辰伯仲填篳篥盡人間  
之湛樂承兩宮之靈光保百年之壽祿爰及苗裔勿

替休聲

大提學  
張維製

澍安公主新第上樑文

辭潛龍之舊邸不真厥居起鳴鳳之新樓爰得其所  
成於不日作之自天澍安公主尊居英宮下降華胄  
首簪用鐵漢陽之懿範幼彰項鬻稱珍劉尹之風流  
便之最被先朝之鍾愛式至當宁而愈隆長樂春暉  
苟照扶桑之瑞華隆慶東第夙開沁水之名園願殊  
賜雖出於洪恩而爰處靡安於私分茲循固讓更卜  
輿區駱坡風烟專勝槩於一壺龍樓雨露通御氣於  
夾城費實出於帑藏中官董事功即就於輪奐將作  
隆施解幪無間於後前爽塏何殊於彼此不侈不陋



節約之義是昭攸芋攸寧永久之圖斯在宸居密邇  
可想起居之便舅家接連仍協奉養之願惟是經營  
之盛事無非湛樂之至情載舉脩禋聊陳善頌

兜郎偉拋標東翠滴晴窓曉旭紅大厦初成紛燕賀  
仙簫相和彩雲中

兜郎偉拋標西泮宮流水繞前溪通衢喧息清宵永  
最愛簾前皓月低

兜郎偉拋標南木覓山光碧勝藍夏簟琅玕留好客  
銅瓶貯得露華滋

兜郎偉拋標北蕊蕊瑞霽籠丹極長祝三宮億萬年

無疆景福綿宗國

兜郎偉拋標上望裏蓬萊只尋夫金根頻向玉階回  
天妹渥恩從古曠

兜郎偉拋標下眼前突兀見臺榭都尉元來戒汰奢  
圖書一室偏瀟灑伏願上標之後神鬼保佑福祿來  
臻郭家醇謹之風益膺光寵襄城孝睦之行彌播芳  
徽瑟琴諧音窮百年之歡樂蘭玉滿室齊累世之蕃

昌棟宇長存家國俱泰 大提學趙復陽製

青平公主新第上標文

蓋聞璿穹九萬銀渚有天孫之宮寶界三千瑤臺有



帝女之館雖雲階月地始播清高而霧閣霞扉終歸  
恍惚實靈真之攸芋非軌躅之可梯豈若揆日裁基  
瞻星正臬神臯禁里枕乾岡而寬平疊榭層楹隣斗  
魁以縹緲常山門戶下接簪裾沁水園池旁通烟火  
者哉謝明公主枝分若木芬芳湯沐之榮青平郝尉  
系出青松奕鳥衣冠之胄王姬秉禮國風詠穠李之  
歌邦媛乘時詩人賦夭桃之什蘭閨毓粹下寶婺於  
洛濱桂闥披祥降仙嬪於媯汭援兩美而作合膺百  
福之所咸周雅鼓瑟之懽理存宜室秦嶺吹簫之境  
情好居樓爰諏莫樂之區迺結斯干之築烟庄窈窕

據義洞之中駛嵐岫岩嶮割仁峯之半腹斜連北闕  
絳節之朝匪遙直對南山紫閣之望在即般繩倭墨  
課雷斧而勸功烏革翬飛架虹樑以程役輕縑重幣  
悉抽內藏赤仄青銅無煩外府豐撩彌壑陟磴道而  
三休傑構干霄擠戶牖以四顧瓊除帖妥疑編作埒  
之金釧砌駢羅似取支機之石圓鐙耀夜代常儀而  
含輝深澗留春却玄冥以貯暖上莞下簟寧虧張老  
之辭後應前呼敢相睢陽之杵  
兜郎偉拋標東日射房攏萬縷紅繡轂雕鞍臨上路  
侵晨朝謁大明宮



兜郎偉拋標西高閣回廊翼瓦齊綺席歡娛留返照  
曲城蒼翠捲簾低

兜郎偉拋標南木覓晴峯捲翠嵐繡陌斜連朱雀巷  
中人馳送太官甘

兜郎偉拋標北屋後松林古榦直留得靈根養茯苓  
雪霜不改千年色

兜郎偉拋標上尺五天低繞翠躡門楣長拱太微宮  
仰看日月垂明兩

兜郎偉拋標下燕雀飛飛赴巨厦錦幕銀屏夢熊羆  
宜家錫胤歸風雅伏願上標之後薰爐夕爨菱鑑晨

華千歲為春奉睿慈於天階雙星不老等遐筮於海  
籌粉沼脂塘擁朱門之喜氣蜺標月幌凝燕寢之清  
香鳳凰于飛君子頌繁祉之慶熊羆入夢大人獻多

男之占

副提學李敏叙製

寅平尉新第上標文

周室降嬪築館東魯漢朝尚主置第西京所以稱尊  
貴之容非直為大壯之制肆頌禱之俱善繁豐約之  
適宜洪惟聖神鍾闢唯麟趾之慶誕茲淋質齊宵明  
燭光之賢神三索以利貞月並照於斯望芬芳成性  
教已盡於公宮桃李騰歌禮即舉於封邑地望在九



重之簡天家結下界之緣美哉鄭公瑚璉之資遠矣  
麗代軒冕之胄乃祖躋享于聖廟文彩尚存其舅抗  
節于王庭風儀酷似傳家簡素孰如杜中書之孫妙  
齡材華共推晉武子之雋既卜出閣於經歲無賜  
第之一區城市中央非之金盞之勝閭閻偏側寧容  
碾礮之爭遂奉傳宣迺相爽塏坊名義洞寔君子之  
攸寧山彌仁王近祖宗之故闕曾是雕牆之跡廢於  
中興何妨上林之空分與一半窮僻如丞相巷是為  
後師昭回若天孫津別成曲渚審面勢而高下真位  
授指揮而左右趨工夏涼冬溫取隨時以節氣銀床

金井陋衰世之糜財高堂肆筵可以供尊章之盥饋  
閒館設席可以視嘉賓之饕飮苟美苟完爰居爰處  
蓋門闌富貴之色鮮泉石幽靚之姿試看按地之丈  
千屋上蒼翠未有去天之尺五物外烟霧奚必肖嵩  
華鑿定昆方是山水不須吹鳳簫乘鸞駕亦云神仙  
况乃甲乙之對開重以填麓之迭和朝天躍馬同歸  
烏鵲之橋春日啼鶯交輝棠棣之萼人倫之樂斯備  
天顏之喜可知舉彼虹梁克彈般倕之技當茲燕賀  
宜申張老之辭咨爾呼耶聽我贊偉

兗郎偉拋樑東瑞旭初升禁籞東坐想君王受朝賀



百僚環珮響丁東

鬼郎偉拋樑西鳳樓齊起沁園西為尋長主穿花徑

日日常忘日在西

鬼郎偉拋樑南要對山光戶向南準擬春來稱聖壽

兩宮唯是獻終南

鬼郎偉拋樑北憑欄夜夜瞻北斗北侵晨起坐整梅粧

說與小姑問堂北

鬼郎偉拋樑上昭昭日月臨頭上欲將寸草答乾坤

長對聖賢黃卷上

鬼郎偉拋樑下村廬撲地鐘街下須知膝外皆剩餘

那得萬間庇天下伏願上樑之後家國同泰天地長  
春叔高明經朝右擅端雅之譽漢陽服儉禁中視廣  
狹之規琴瑟奏宮而鳳凰應曲琳琅滿室而螽羽咏  
詩風聲勿替忠貞雲仍永膺福祿

如製教  
黃床製

寅平公主新第上樑文

粵以仁峯南驚義衡西傾白嶽注於平原丹墉蓄其  
峻址園池騰秀之氣上徹天街岡陵蟠結之形苟羅  
地脉士女繁會歌吹六時間并交連烟火四匝垣牆  
遷迤界社稷之崇壇霄漢徹茫拱象魏之高闕金川  
御宿舊為移驛之宮銀渚星躔今作館甥之室泐微



公主疏芬玉蕊環珮襲重吳之尊寅平郝尉揮翠瑤  
林門闌擁列鼎之貴凝華璧殿初分寶婺之精降彩  
璇臺早叶鳴鳳之絲彌文夙講於六禮結禱施衿隆  
愛始析於中閨宜家出閭周詩播詠玉姬肅雍之車  
秦嶺吹簫蕭史神仙之宅包弘敞之體勢背陰而陽  
極締構之經營前修後廣千甍既舉慮先及於民勞  
百堵皆興念恒軫於時屈工招遊手不煩外府之調  
役雇饑甿悉出中藏之費瓌檀文杏匠石掄材月斧  
風斤公輸運巧層椽霧積臨反宇以中稽遠閣霞披  
撫危欄而外眇蛟螭盤跂踟楹棟以相扶燕雀紛飛

赴帡幪而爭賀朱羽爍戶霜含鴈齒之階碧落低簷  
雨壓魚鱗之尾三休磴道斜連太紫之壚八達軒窓  
近挹終南之色樽巢已陋實弘大壯之規莞篔孔安  
是宜君子攸芋熊羆入寢行膺大人之謠虹蜺繞樑  
載揚兜郎之唱

兜郎偉拋樑東沁水池臺霽景中睡起粧樓擠玉戶  
簾間初日上鮮紅

兜郎偉拋樑西城上輕陰近戶低試望園林春氣早  
宜男草色已萋萋

兜郎偉拋樑南金埒池塘柳影涵肯向瑤階聞闐草



條桑春色已宜蠶

兜郎偉拋椽北法宮城畔天街直香風花亂馬如飛  
朝下紅塵回玉勒

兜郎偉拋椽上雲屏氣暖芙蓉帳晨光稍辨繡鴛鴦  
旭日瞳矐射翠牂

兜郎偉拋椽下繡幕珠簾圍廣厦燕寢朝朝奏管絃  
龍燭夜夜燒蘭若伏願上椽之後琪花曉發瓊萼晨  
敷寶筮無窮支機之石不爛靈基永固編埒之金常  
新琴瑟相和令德歸美於風雅芝蘭競秀駿彩流耀  
於階庭日月恒升受洪範之五福乾坤履壽承睿眷

於千齡輪焉奐焉敢闕張老之頌苞矣茂矣竊效下

管之辭

副提學李敏叙製

東平公主新第上椽文

述夫瑤躔北控太微列婺女之墟銀漢西迴圓儀構  
天孫之室雖復明輝曜夜騰異彩於中達寶象懸霄  
綴祥光於上路然而仙階愔悅仰九萬而蒼蒼靈跡  
冥茫儼四七以邈邈仙凡之界既絕見聞之道爾殊  
豈如戚藩侯疆魯築王姬之館神臯帝里漢開太主  
之園沁水疏榮旁通青瑣常山席寵近接朱城者哉  
伏惟澍靜公主誕美璿潢凝華若木德容冶性兼盡



敬於蘋蘩和柔宅心早承聞於禮教東平鄰尉瓌姿  
外茂英譽夙彰特達珪璋擁門闈之積慶聯翩組紱  
襲台鼎之閔休爰諧赤繩之緣遂協黃裳之吉鳴環  
佩而出閭宜其家人締棟宇以為居取諸大壯峯巒  
聳峙而勢正於乾岡川瀆交橫脉絡經乎英位據翠  
壑而樹臬包蒸洞以裁基名外徭之遊丁無闕將作  
傾內府之朽貫詎煩司農千杵雷鳴並和梁園之曲  
群工兩集同揮郢匠之斤碧瓦雲垂彷彿平陽之第  
彤楹霧矗縹緲蕭史之樓疊榭層欄陶宴喜於八節  
崇臺邃閣貯溫涼於四時粉壁銜鉉晨星不落丹墀

帶辟秋月常鮮瀛海表黃鏤之宮輜輶展絳芻之飾  
後容三殿瞻極北而非遙密邇高門望終南以何遠  
詩成莞篔善頌莫先於熊羆唱徹兜郎竊賀敢後於  
燕雀

兜郎偉拋標東韶年澍氣養花叢睡罷粧樓初上日  
碧紗窓薄弄遊紅

兜郎偉拋標西羅幌微風動水犀別向池塘移勝宴  
斜陽欲傍曲城低

兜郎偉拋標南嫩柳繁花午景會昨日太官開錫頁  
今朝中使送珍甘



兜郎偉拋樑北社壇之外松林色辰居不動太微垣  
一點丹心長拱極

兜郎偉拋樑上諸天碧落何昭曠銀潢下注渥恩濃  
惠日慈雲隨俛仰

兜郎偉拋樑下涼軒煖屋宜冬夏芙蓉帳小軟風吹  
翡翠簾低甘露灑伏願上樑之後支機石爛作堦金  
銷二儀俱審鞏基罔缺雙星齊燬遐筮無窮山勢西  
盤鳳凰之臺永固河流東注烏鵲之橋恒新鼓瑟與  
琴詠澍媿於小雅式歌且舞垂令德於頌人珠玉傳  
芳孕驪穴之瑞氣芝蘭競秀播燕寢之凝香聊申下

管之辭用贊中閨之祉

副提學李敏叙製

興平公主新第上樑文

粵以璿儀九萬共水鏡而蒼蒼寶緯三千與銀繩而  
落落蟾居既真清高仙媛之宮鵲橋初成縹緲天孫  
之室然而乘槎路阻銀渚絕問津之期斲斧蹤迷霓  
裳無按舞之日豈如神州貴里下臨烟火之區紫極  
丹霄上接雲霞之境芬華地位漢開沁水之園璀璨  
門闌晉啓常山之宅者哉伏惟澍敬公主瓊枝擢秀  
並若木而疏榮玉泚橫流控長淮而注液興平郝尉  
分茅胙土家擁丞相之尊秉笏垂魚廷推御史之重



後雙美而作合六禮既行間兩社以為問二奇示兆  
秦山盤苑寬平蕭史之樓曲阜通莊洞達齊侯之館  
牛工競歡風生郢匠之斤萬夫爭趁雷動睢陽之杵  
前脩後廣甲第之制俱存冬溫夏寒丙舍之規咸備  
雙樑齊舉敢闕張老之辭百堵皆興寧廢斯干之詠  
兜郎偉拋樑東八達朱門大道中金闕曉鐘擗戶望  
華簷高捧霽雲紅

兜郎偉拋樑西楊柳陰深過午鷄捲幔曲城蒼翠晚  
窓含日影向人低

兜郎偉拋樑南白閣亭亭鎖紫嵐試向玉欄閒闔草

映堦春色揔宜男

兜郎偉拋樑止白麓松林千尺直霜雪長含萬古容  
祥光每繞離宮側

兜郎偉拋樑上白日行空麗春望琥珀光濃藻井鮮  
龍香氣煖芙蓉帳

兜郎偉拋樑下黓炭金爐薰夜夜霧壓朱城曉夢回  
銀壺卧聽槽溝瀉伏願上樑之後君平簾下支機之  
石常新武子階前編埽之金依舊霞幃月幌凝聚窟  
之清香粉沼脂塘繞全家之瑞氣襲帝乙之歸妹鳳  
凰于飛膺大人之推占熊羆入夢聊揚徽於下管庸



獻賀於中閨 副提學李敏叙製

明安公主新第上標文

伏以易稱歸妹象論嗣續之久傳詩詠斯千篇頌室  
家之相樂在昔根車盛服禮待最隆沁水名園繁華  
之說然而同昌之賜錢過濫則徒貽罄庫之譏永樂  
之占宅太踰則亦取撤廬之怨豈若敦聖情於友愛  
酌架制於儉奢纜着木石之訖功即致與輪之進禱  
也哉明安公主有齊季女當宁天倫玉質早成曾受  
先朝之攸訓金枝連謝獨蒙長樂之允憐穠華叶於  
爾雍已識周王姬之嘉範禁鬻高於標望爭稱晉都

尉之丰容承尊章而益著敬和處富貴而猶思節約  
乃者治第之命在於宜家之初時詘舉羸幾拓基而  
旋止辰良日吉始築堵而爰居內府指財恤靡多於  
經費中官董役勞不及於群工睠茲陰洞之地形實  
是鬼慳而天秘重閭復開回廊控禁掖之門大道長  
街曲沼通御溝之水坊稱鄉校誦絃之迹猶存宅近  
觀臺雲物之微可察蟾宮桂樹依然吳質之仙姿牛  
渚銀河笑彼天孫之別恨庭除敞而軒窓明潔篋簞  
清而寢處安寧經之營之成之睿眷偏深於終始合  
矣完矣美矣善居何異於古今茲屬抗標用申贊偉



兜郎偉拋標東路  
苗晴嵐散夕風簾  
外賜袍新試着  
玉簫閒捻月明中

兜郎偉拋標西鞍  
嶺斜陽入望低  
庭畔碧梧金氣十  
鳳凰應向此間棲

兜郎偉拋標南木  
覓山光翠似藍  
長日侍兜無一事  
採來桑葉學親蠶

兜郎偉拋標北仁  
峯積雪連三角  
着梅肯效壽陽粧  
只愛清香藏小閣

兜郎偉拋標上迢  
迢玉宇何昭曠  
常隨雲影共徘徊  
一鏡方塘涵萬狀

兜郎偉拋標下異  
草名花裁繞舍  
數仞檃題意愈卑  
謙謙不有渠渠厦  
伏願上標之後家  
邦咸泰福祿畢  
臻燕雀賀騰偕樂  
琴瑟之御熊蛇夢  
協屢膺璋瓦之  
祥盡愉婉於東朝  
每獻靈萱之寶筮  
修起居於北闕  
長霑棠棣之私恩  
名基並美對齊稱  
華構與芳譽俱

安大提學南  
龍翼製



文苑龍藏卷之二十四



